

賜板

訂正東醫寶鑑

十

雜病篇一

風
寒
上

ヤ 9

905

12



門 9
號 905
卷 12

9
653

訂正東醫寶鑑雜病篇卷之二
御醫忠勤貞亮扈 聖功臣崇祿大夫陽平君 臣 許浚 奉教撰

風

中風微漸

凡人初覺食指次指麻木不仁，或不用者，三

年內必中風之候也。宜先服愈風湯、天麻丸。

病之病，知未來之疾，此其良也。其中風者，必有先

兆之證，覺大指指及次指麻木不仁，或手足少力

或肌肉微掣者，此先兆也。三年內必有大風。宜調

其榮衛，先服愈風湯、天麻丸，或加減防風通聖散。

方見下。可以預防。丹心。竹瀝枳朮丸。方見痰飲

與搜風順氣丸。方見大便相間服之，亦可預防。醫

鑑。凡人手足漸覺不隨，或臂膊及髀股指節麻

痺不仁，或口眼喎斜，言語蹇澀，或胃膈迷悶，吐痰

相續，或六脈浮滑而虛軟無力，雖未致於倒仆，其

東醫寶鑑雜病篇之二

為中風暈厥之候，可指日而定矣。早當從丹溪之法，調治之。正傳：初覺風氣，便服愈風湯及天麻丸，相為表裏，乃治末病之聖藥也。易老

調治預防

左半身不遂，左手脈不足者，以四物湯。方見右半身不遂，右手脈不足者，以四君子湯。方見痰飲，兼用之。氣血兩虛而挾痰者，痰等湯。方見虛勞，加南星、半夏、枳實、竹瀝、薑汁之類。若真元漸復，痰飲漸消，或覺風邪未退者，仍以羌活愈風湯，防風通聖散，加減調治而安。正傳。更加灸法，尤好。

熱生風

凡溼生痰，痰生熱，熱生風。丹心。風病多因熱。其俗云：風者言末而忘其本也。非謂肝木之風實甚，而卒中者，亦非外中於風。良由將息失互，而心火暴盛，腎水虛衰，不能制之，則陰虛陽實，而熱氣怫鬱，心神昏冒，筋骨不用，而卒倒無所知也。多因五志，喜怒思悲恐過極，而卒中者，由五志過極。

肥人多中風

所謂肥人多中風者，肥則腠理緻密，而多鬱滯，氣血難以通利，故多卒中。河間。凡人年逾五旬，氣衰之際，多有此疾。壯歲之人，無有也。若肥盛，則間有之，亦是形盛氣衰而然也。東垣。肥人多中風者，以其氣盛於外，而歉於內也。肺為氣出入之道，人胖者氣必急，氣急則肺邪盛，肺金克木，膽為肝之府，故痰涎壅盛，治法先須理氣，為急。藿香正氣散。方見寒門。加南星、木香、防風。

皆為熱甚，故也。河間。熱者風之體也，風生於熱。以熱為本，而風為標也。凡有風者，即風熱病也。河間。問：鄉里有二人，忽覺心腹中熱甚，服治風藥而愈。後到夷陵，見一太守，夏月忽患熱甚，不免以水灑地，設簟臥其上。令人扇之，次日急中風，數日而殞。及到澧陽，見一老婦，夏中亦患熱，夜出臥廳上，次日中風，其子煎飲小續命湯，更召醫調治，數日而愈。始知人之中風，因心腹中多熱，而後作也。熱生風信哉。資生

當歸非特治中風之證
中惡中氣尤互醫鑒

中風所因

內經曰風者百病之長也至其變化乃為他
病故有偏風腦風目風漏風內風首風腸風
泄風又有肺風心風肝風脾風腎風胃風勞風等
證詳見本經○河間曰風病多因熱盛詳見上○
東垣曰中風者非外來風邪乃本氣病也詳見上
○丹溪曰風之為病西北氣寒為風所中者誠有
之東南氣溫而地多溼有風者非風也皆溼生痰
痰生熱熱生風也經曰亢則害承乃制河間曰土
極似木數千年得經意者河間一人耳○王安道
曰昔人主乎風河間主乎火東垣主乎氣丹溪主
乎溼反以風為虛象而大異於昔人以予觀之昔
人三子之論皆不可偏廢殊不知因于風者真中
風也因火因氣因于溼者類中風而非中風也○
王安道有論三子與昔人論風之不同而立真中
類中之且愚竊疑焉夫中風之證蓋因先傷於內
而後感於外之候也但有標本輕重之不同耳假

如百病皆有因有證古人論中風者言其證也三
先生論中風者言其因也知乎此則中風之候可
得而詳論矣正傳

中風太證

風中於人曰卒中曰暴仆曰暴瘖曰蒙昧曰
口眼喎僻曰手足癱瘓曰不省人事曰語言

蹇澀曰痰涎壅盛醫鑒

賊風虛邪中人

黃帝問曰余聞四時八風之中人也故
有寒暑寒則皮膚急而腠理閉暑則皮
膚緩而腠理開賊風邪氣因得以入乎將必須入
正虛邪乃能傷人乎少師曰不然賊風邪氣之中
入也不得以時然必因其開也其入淺以留其病也徐
其病入也卒暴因其閉也其入深其內極病
以遲帝曰有寒溫和適腠理不開然有卒病者其
故何也少師曰人與天地相參也與日月相應也
故月滿則海水西盛人血既積肌肉充皮膚緻毛
髮堅腠理却烟垢著當是之時雖遇賊風其人淺

不深至其月郭空則海水東盛人氣血虛其衛氣去形獨居肌肉減皮膚縱滕理開毛髮殘脆理薄烟垢落當是之時遇賊風則其入深其病入也卒暴靈樞○邪風之至疾如風雨故善治者治皮毛其次治肌膚其次治筋脉其次治六府其次治五藏治五藏者半死半生也內經○邪乘虛入是謂虛邪內經○邪之所湊其氣必虛留而不去其病則實內經

中風大法有四

一曰偏枯半身不遂二曰風痺身無痛四肢不舉三日風懿奄忽不知人四曰

風痺諸痺類
風狀千金

偏枯

血氣偏虛半身不遂肌肉枯瘦骨間疼痛謂之偏枯直指○虛邪偏客于身半其入深內居榮衛榮衛稍衰則真氣去邪氣獨留發為偏枯仲景○偏枯者半身不遂肌肉偏不用而痛言不變智不亂病在分腠之間宜溫臥取汗且巨鍼取之仲景○偏枯者手足為邪氣阻塞脉道而然痿病則

陽明虛宗筋縱帶脉不引而然痺病有言變志亂之證痿病則無之蓋非病發于擊仆之暴痿病發于怠惰之漸明是兩疾也綱目

風痺

神智不亂身體無痛四肢不舉一臂不遂謂之風痺直指○痺之為病身無痛四肢不收志亂不其其言微知可治甚則不能言不可治仲景○風痺者緩者四肢不舉急則一身皆仰或左癱右瘓或一臂不遂智亂不能言者難治宜換骨丹神仙飛步丹脾實者膏藥之疾宜疎風順氣丸方見大便脾虛者十全大補湯方見虛勞八審回春湯入門○痺廢也即偏枯之邪氣深者痺與偏枯是二疾其偏枯身偏痛而言不變志不亂邪在分腠之間即東垣所謂邪中府也痺病身無痛手足不遂而言瘖志亂者邪入于裏即東垣所謂邪中藏也綱目

風懿

忽然迷仆舌強不語喉中窒塞噫噫有聲謂之風懿直指○風懿者作懿卒倒喎斜不語身軟

有汗者生汗不出身直者死由痰水制火閉塞心
竅而不語熱者牛黃清心丸虛者導痰湯方見痰
門○風懿者奄忽不知入咽中塞室室然舌強不
能言病在藏府汗出身軟者生汗不出身直者七
日死得效

風痺 有全門 在下

中風之名各不同

其卒然仆倒者經稱爲擊仆世稱爲
卒中乃初中之證也○其口眼喎斜
半身不遂經稱爲偏枯世稱爲癱瘓及腰腿風乃
中倒後之證也○其舌強不言唇吻不收經稱爲
痲病世稱爲風懿風氣亦中倒後之證也○凡病
偏枯必先仆倒故內經連名稱爲擊仆偏枯也
凡中風脈無不大者非熱也是風脈也得效○寸
口脈浮而緊緊則爲寒浮則爲虛寒虛相搏邪在
皮膚絡脈空虛賊邪不瀉或左或右邪氣反緩正
氣即急正氣引邪喎僻不遂邪在于絡肌膚不仁

脈法

邪在于經即重不勝邪入于府即不識入邪入于
藏舌即難言口吐涎沫仲景○中風口噤遲浮吉
急實大數三魂孤脈訣○中風脈遲浮可治大數
而極者死丹心○中風脈浮滑兼痰氣其或沉滑
勿以風治或浮或沉而微而虛扶危溫痰風未可
疎脈訣○大法浮遲者吉急疾者凶○脈浮而遲
者易治大數而急者死脈經○脈浮而
大者曰風○脈浮而數中風使然仲景

風有中血脉中腑中臟之異

三者治各不同東垣○中府者面顯五色有表證
而脈浮惡風寒拘急不仁或中身之後或中身之
前或中身之側皆曰中府其病多易治○中藏者
唇吻不收舌不轉而失音鼻不聞香臭耳聾而眼
瞤大小便秘結皆曰中藏其病多難治○大抵中
府者多著四肢中藏者多帶九竅易老○中血脉
而外有六經之形證則從小續命湯加減及疎風
湯治之○中府者先以加減續命湯證發其表

如兼中藏則內有便尿之阻隔宜以三化湯或局方麻仁丸方見大便滋潤湯外無六經之形證內無便尿之阻隔宜養血通氣大秦羌湯羌活愈風湯養榮湯○中藏者痰塞昏冒宜至寶丹之類鎮墜或活命金丹牛黃定志丸祛風至寶丹○風中五藏舌暗眼瞽宜排風湯加減排風湯○但手足不遂言語蹇澀當從愈風湯以行中道久服大風悉去治病之法不可失于通塞或一氣之微汗加麻黃一錢或一旬之通利加大黃二錢此為常治之法久則清濁自分榮衛自和矣易老

小續命湯

治卒中風不省人事喎斜癱瘓瘖瘡麻木眩暈初中無汗表實等及治一切諸風證防風一錢半防已肉桂杏仁黃芩白芍藥人參川芎麻黃甘州各一錢附子炮五分右剉作一貼入薑二片棗二枚水煎服入門○一方無防已附子有當歸石膏有熱用白附子○凡中風六脉浮緊風氣太盛心火暴升痰涎壅遏於經絡之中宜用小續命湯用附子以其稟雄壯之資而有斬關奪

將之勢能引入參茸並行於十二經以追復其散失之元陽又引麻黃防風杏仁輩發表開腠理以驅散其在表之風寒引當歸川芎輩入血分行血養血以滋養其虧損之真陰或加石膏知母以降胃火或加黃芩以清肺金若病勢稍退精神稍復輒當改用丹溪之法以補氣血清痰之劑以調養其本氣此急則治其標與夫標而本之之治也正傳

疎風湯

治風中府手足不仁先宜解表後用愈風湯調理羌活防風當歸川芎赤茯苓陳皮半夏烏藥白芷香附子各八分桂枝細辛甘州各三分右剉作一貼入薑三片水煎服四春

加減續命湯

治風中府今人不分表裏虛實故張易風無汗惡寒麻黃續命主之本方倍麻黃防風杏仁有汗惡風桂枝續命主之本方倍桂枝芍藥杏仁○陽明中風無汗身熱不惡寒自虎續命主之本方倍桂枝黃芩加葛根一錢四分○太陰中風

無汗身涼附子續命主之附子加一倍甘州加二錢一分乾薑加七分○少陰中風有汗無熱桂枝續命主之本方倍桂枝附子甘州○六經混淆繫乏於少陽厥陰或肢節攣痛或麻木不仁宜羌活連翹續命主之本方一兩加羌活一錢連翹一錢半正傳

三化湯

治府藏俱中風便尿阻隔不利厚朴大黃枳實羌活各等分右剉一兩作二貼水煎服日

養榮湯

治風中血脈外無六經之形證內無便尿之阻隔但肢不能舉口不能言或痰迷不省當歸川芎白芍藥生地黃麥門冬遠志石菖蒲陳皮烏藥白茯苓枳實黃連防風羌活秦艽半夏南星甘州各六分右剉作一貼入薑三片竹茹一塊水煎服回春

排風湯

治風中五藏精神恍惚手足不仁口眼喎斜獨活麻黃赤茯苓各一錢白朮肉桂川芎杏仁白芍藥防風當歸甘州各八分白鮮皮五分右剉作二貼入薑三棗二水煎服回春

加減排風湯

治同上通治五藏風天麻一錢蒼朮一錢防風川芎羌活獨活各八分麻黃七仁甘州各四分右剉作一貼入薑三片水煎服

大秦芩湯

治中風外無六經之形證內無便尿之阻隔知為血弱不能養筋故手足不能運動舌強不能言語宜養血而筋自榮此主之秦芩石膏各一錢羌活獨活川芎白芷生地黄熟地黃當歸白芍藥黃芩白茯苓防風白朮甘州各七分細辛三分右剉作一貼水煎服不拘時易老

羌活愈風湯

治風中府中藏先以本藥治之後用此藥調理回春○凡中風內邪已除外邪已盡當服此藥以行導諸經久則大風悉去清濁自分榮衛自和矣蒼朮石膏生地黄各六分羌活防風當歸蔓荊子川芎細辛黃芪枳殼人參麻黃白芷甘菊薄荷枸杞子柴胡知母地骨皮獨活杜

仲秦芫黃芩白芍藥甘州各四分肉桂二分右剉
作一貼入薑三片水煎朝夕服或以此湯空心煎
下二參丹臨臥熱下四白丹丹心○一名愈風湯
丹心○療肝腎虛筋骨弱語言難精神昏憤或瘦
而偏枯或肥而不遂或恐而健忘或喜而多思思
忘之道皆精不足也能安心養神調陰陽使無偏
勝易老

至寶丹

治卒中急風不語不省人事及風中藏精神
昏冒犀角朱砂雄黃琥珀玳瑁各一兩牛黃
五錢龍腦麝香各二錢半銀箔五十片金箔五十
片內半為衣安息香以酒瀉去沙土淨下兩熬膏
右為末入安息香膏搜和勻一兩分作四十九丸入
參湯化下一九日一二三服局方○安息香性硬
難化倉卒難用宜減
半代煉蜜為佳俗方

滋潤湯

治風中藏二便閉澀先服此後以愈風湯調
理當歸生地黃枳殼厚朴檳榔大黃麻仁杏

仁各一錢羌活七分紅花酒焙
三分右剉作一貼水煎服同春

卒中風救急

初中倒時隨即醒者宜治若不醒者宜搦
入中至醒若痰涎壅塞者宜吐之口噤者
亦宜吐之若口開手散遺尿者為陽暴絕宜大
料參芪補接之若眼戴上者宜灸之綱目○氣虛
卒倒濃煎人參黃芪湯加竹瀝薑汁服丹心○卒
中昏倒不省牙際涎潮口眼喎斜精神恍惚倉卒
之際以手大指掐刻人中即省或急令人將病者
兩手兩足從上而下頻頻趕出四肢痰氣即散免
致攻心即醒或急以三稜鍼刺十指甲角十井
穴將去惡血就以氣鍼刺谷谷二穴人中一穴皆
是良法如未效用通關散吹鼻即提起頭頂髮候
有嚏可治如口噤不開以破棺散擦之口即開多
灌香油加麝香一二分或用薑汁及攝生飲之類
若風痰壅結諸藥不效奪命散一服立愈醫鑑○
凡中風之證多是老年因怒而成益怒火上升所
以昏仆不省痰涎壅盛治宜豁痰瀉火豁痰宜省

風湯瀉火宜防風通聖散方見下。卒中昏倒即用開際噴嚏法次用攝生飲煎湯調蘇合香丸三丸灌下痰盛者加全蝎直指。卒中風不省通用至寶丹牛黃清心丸龍腦蘇合丸方見氣門牛黃金虎丹以竹瀝薑汁香油童便調和灌下俗方

牛黃清心丸

治卒中風不省人事痰涎壅塞精神昏慣言語蹇澀口眼喎斜手足不遂等證

山藥七錢甘州炒五錢人參蒲黃炒神麴炒各二錢半犀角二錢大豆黃卷炒肉桂阿膠炒各一錢七分半白芍藥麥門冬黃芩當歸防風朱砂水飛白朮各一錢半柴胡桔梗杏仁白茯苓川芎各一錢二分半牛黃一錢二分羚羊角麝香龍腦各一錢雄黃八分白欬乾薑炮各七分半金箔一百二十箔內四十箔為衣大棗二十枚蒸取肉研為膏右為末棗膏入煉蜜和勻每兩作十丸金箔為衣每取一丸溫水化下醫鑿

牛黃金虎丹

治急中風不省身強口噤鼻乾面黑遍體壯熱汗出如油目瞪唇青心神迷悶

形體如醉痰涎壅塞喉中如拽鉦聲雄黃水飛十五兩白礬枯天竺黃牛膽製南星各二兩五錢天雄炮一兩二錢半膩粉龍腦各五錢牛黃二錢半金箔八十箔為衣右末煉蜜和勻每兩半分作十丸金箔為衣每丸新汲水和灌之扶坐使藥行良久以薄荷汁更化一丸灌之立愈如肥盛體虛多涎有風之人宜常以此藥隨身備急為妙局方。范子默中風涎塞不語服金虎丹四丸氣不通涎不下魂魄飛揚如墮江湖中頃欲絕即灸聽會頰車地倉百會肩髃曲池風市三里絕骨耳前髮際大顛風池氣遂通吐痰一枕繼又下十餘行伏枕半月遂平此蓋灸百會之力其吐瀉乃服金虎丹之功也資生

攝生飲

治卒中風不省無熱者用此南星炮半夏製各一錢半木香蒼朮細辛石菖蒲甘州各一

錢右剉作二貼入薑
七片水煎服同春

省風湯

治卒中風不省有熱者用此防風南星炮各
二錢半夏製黃芩甘草各一錢右剉作一貼
薑十片水煎服與導痰湯方見痰飲相合煎服
尤妙可以散風豁痰降火一名小省風湯

奪命散

治卒中風涎潮氣塞口噤目瞪破傷風搖擗
小兒驚風危急之疾天南星甜葶藶白芷半
夏巴豆去殼不去油各等分右為末每半錢薑汁
一呷調下即效凡口噤藥不下者宜用此醫鑿

開噤法

卒中風口噤不開難於下藥宜用開關散破棺
散巴豆熏法龜尿解噤法。口噤者以烏梅肉
和南星細辛末以中指蘸藥擦牙口自開直指
三陽之筋並絡入頰頰挾於口諸陽為風寒所客
則筋急故口噤不開賁生

開關散

治卒中風目瞑牙噤天南星末五分龍腦一
字右研和以中指蘸藥末搯齒二三十度其

口自開每用半錢或一字端午日
合尤佳入門一名破棺散 寶鑿

巴豆熏法

治卒中風口噤不省巴豆去殼紙包槌滿
去豆以紙作捻條送入鼻內或加皂角末
尤良或以前紙燃燒
烟熏鼻內亦可同春

龜尿解噤

治中風口噤不語取烏龜尿少許點舌下
神妙取尿法以龜坐荷葉上用猪鬃鼻內
刺之類聚

取嚏法

卒中風不省先以皂角細辛末或南星半夏末
吹入鼻中候有嚏可治無嚏不可治直指。卒
中昏悶先用通關散擦鼻令噴嚏次用蘇合香丸
行氣方見氣門徐服順氣疎風豁痰等藥其有牙
關緊閉亦用通關散搐鼻噴嚏即開得
效。取嚏宜用通頂散搐鼻通天散。

通關散

治卒中不省口噤氣塞細辛皂角薄荷雄黃
各一錢右為末每少許吹入鼻中有嚏可治

無嚏不可治得效。一方南星半夏皂角等分爲末用如上的法亦名通關散。醫鑑

通頂散

治卒中不省吹鼻即甦石膏二錢藜蘆川芎細辛人參甘州各四分右爲末每取一字吹入鼻中即提起頂中髮即甦。有嚏可治無嚏不可治。丹心

搐鼻通天散

治同上。川芎細辛藜蘆白芷防風薄荷皂角右等分爲末用如上的法。丹心

取吐法

卒中風暴仆昏悶不省人事或痰涎壅塞舌強不語兩寸脉浮大而實急以瓜蒂藜蘆等藥吐之以過其勢。正傳。卒中風痰壅盛者口眼喎斜者不能言者皆宜用吐法。輕者用瓜蒂一錢或稀涎散或鰾汁重者一作急用藜蘆五分或三分加麝香少許爲末薑汁調和灌入鼻內吐痰出如口不噤者灌入口內吐痰出。吐不效再吐之亦有虛而不可吐者。丹心。痰盛者吐之宜稀涎散瓜蒂散。方並見吐門。皂角散巴豆丸

鰾汁方

吐出血風痰鰾半斤入醬蔥薑等料物水者先喫鰾次飲汁後以鴉翎攪引吐痰出用鰾者蓋引其風。出取丹心

皂角散

治卒中痰塞皂角蘿蔔子等分爲末每二錢水煎盡服即吐。醫林。一名蘿蔔膏得效

巴豆丸

治卒中風痰塞垂死。巴豆二枚去皮膜白礬如拊指大一塊爲末右二味瓦上煨冷。豆焦赤爲度蜜丸。艾實大每二丸綿裹。放患人口中近喉處良久吐痰立愈。本事

熏法

唐王太后中風不能言脉沉而口噤許胤宗日既不能下藥宜以湯氣熏之藥入際理周時可差。濃煎黃芪防風湯數斛置于床下氣如烟霧熏之其夕便得語。衍義。中風脉沉口噤非大補不可若用有形湯藥緩不及事熏以黃芪防風湯使口鼻俱受之此非智者通神之法不能迴也。蓋人之口通乎地鼻通乎天口以養陰鼻以養陽天主清故鼻不受有形而受無形地主濁故口受有形而兼

乎無形也
丹心

不治證

卒中風口開手散眼合遺尿鼻聲如鼾者五藏氣絕也蓋口開者心絕手散者脾絕眼合者肝絕遺尿者腎絕聲如鼾者肺絕也若見一猶可用工若面赤時黑主陽氣上散腎水反克心火兼遺尿口開氣喘者斷不可救也
綱目○五藏氣絕速宜大料參芪濃煎湯救之及臍下太艾炷灸之亦可轉死過生也
綱目○肉脫筋痛髮直搖頭上竅面赤如粧汗綴如珠吐沫直視者皆不可治
丹心○中藏之絡者口眼俱閉可治如口開眼合手散遺尿鼻聲如鼾及大吐大瀉下血吐血者皆死入門○口開者心氣閉絕也遺尿者腎氣閉絕也手散者脾氣閉絕也眼合者肝氣閉絕也鼻鼾者肺氣閉絕也皆不治五證中纔見一證猶可治蓋初中則眼合者多痰上則鼻鼾者亦多惟遺尿口開俱見為惡心為五藏主腎為五藏根誠不可開絕也得效○動止筋痛名曰筋枯不治無血滋筋故

也又肝木克脾土大便洞泄者亦不治
丹心

暴仆

與卒中風緊急同參看

暴瘖

凡語溫皆屬風
綱目○腎虛為厲風所傷語音蹇吃或口咽解府枯細緩弱或耳聾腰背相引痛腎瀝湯地黃飲子主之○內經曰內奪而厥則為瘖瘵此腎虛也少陰不至者厥也註曰瘵廢也腎氣內奪則舌瘖足廢○中風瘖瘵宜用清心散加味轉舌膏轉舌膏
方並見言詒正舌散解語丸清神解語湯資壽解語湯

腎瀝湯

治腎藏風語音蹇吃羊腎一具生薑二兩切磁石碎一兩七錢以水一斗煮取五升乃入玄參白芍藥白茯苓各一兩二錢半黃芪川芎五味子桂心當歸人參防風甘艸各一兩地骨皮五錢並剉再煮取一升去滓分三服得效

地黃飲子

治中風舌瘖足廢腎虛弱其氣厥不至至下熟地黃巴戟山茱萸肉蓯蓉石斛遠志五味子白茯苓麥門冬各一錢附子炮肉桂石菖蒲各五分右剉作二貼入薑三片棗二枚薄荷少許同煎空心服之河間

正舌散

治中風舌強不語神妙薄荷焙一二兩赤茯苓一兩蠲蛭二錢半右為末每二錢溫酒調下得效一方扶神心一兩炒用名扶神散寶鑑

轉舌膏

治中風舌強不語即涼膈散方見火門加石菖蒲遠志為末蜜丸彈子大朱砂為衣每一丸薄荷湯化下入門

解語丸

治中風語言不正白附子石菖蒲遠志全蝎羌活天麻南星牛膽製白礬蚕右等分為末蜜丸菖豆大每五七十九丸薑湯吞下海藏

清神解語湯

治中風痰迷心竅言語蹇澀或不省人事南星半夏二味同白礬生薑皂角水浸三日晒乾各一錢當歸川芎白芍藥生地黃麥門冬遠志石菖蒲陳皮白茯苓烏藥枳實黃連防風羌活甘艸各五分右剉作一貼入薑三片竹茹一團水煎入童便薑汁竹瀝調服醫鑿

資壽解語湯

治風中心脾舌強不語蓋心之別脉系于舌本脾之脉挾咽連舌本散舌下故也羚羊角桂皮各一錢羌活甘艸各七分半防風附子炮酸棗仁天麻各五分右剉作一貼水煎入竹瀝五匙薑汁一匙服入門

精神蒙昧

風中藏昏宜用至寶丹牛黃清心丸方並見上蒙昧者即昏冒茫昧也精神不爽如有物以蒙蔽也綱目○中風者多昏冒氣不清利宜四白丹二參丹牛黃定志丸活命金丹祛風至寶丹

四白丹

治中風昏冒能清肺氣養魄甜竹葉三兩白芷一兩白朮縮砂白茯苓香附子防風川芎人參甘州各五錢羌活獨活薄荷各二錢半細辛知母各二錢藿香白檀各一錢半龍腦牛黃各半錢麝香一字右為末蜜和每一兩作十九丸臨臥細嚼一丸以愈風湯方見上送下易老

二參丹

治中風健忘養神定志和血丹參熟地黃天門冬各一兩半麥門冬白茯苓甘州各一兩人參遠志石菖蒲朱砂各五錢右為末蜜丸子大空心以愈風湯送下易老一名二丹丹

活命金丹

治風中藏神不清大黃一兩半桂心苾芎辰砂四錢內二錢為衣麝香龍腦各二錢取藍根貫衆乾葛甘州各七錢右為末蜜水浸蒸餅和勻每兩作十丸就淫以朱砂為衣再用金箔四十片為衣每一丸如療風毒茶清化下臘月依命妙牛黃定志丸治心藏中風昏冒精神不守此藥壓驚

牛黃定志丸

一二兩雄黃水飛天麻烏蛇肉甘州各一兩琥珀七錢半牛黃龍腦全蝎白僵蚕炒白附子炮牛膽製南星各五錢麝香二錢半右為末蜜丸芥仁大每一丸以人參薄荷湯嚼下丹心

祛風至寶丹

治風中藏昏冒及風熱滑石一兩半川芎當歸各一兩二錢半甘州一兩防風白芍藥各七錢半白朮六錢半石膏黃芩桔梗熟地黃天麻人參羌活獨活各五錢梔子三錢連翹荊芥薄荷麻黃芷稍黃連大黃黃柏細辛全蝎各三錢半右為末蜜丸彈子大每一丸細嚼茶酒送下此乃防風通聖散加丸味也丹心

口眼喎斜

風中血脉則口眼喎斜東垣自其邪氣之入入也邪氣反緩正氣反急正氣引邪為兩瞬為竄視為掣縱為搐搦為癱痿為反張在於陽則皮膚緩在於陰則腹皮急緩則四肢不能收急則一身不能仰直指○風邪初入反緩正氣反急以致口眼喎斜或左或右急搶入中按頂髮灸耳

垂珠下三五壯外用南星州烏各一兩白芩一錢
白僵蚕七枚為末薑汁調塗喉處正即洗去內用
正舌藥白附子白僵蚕全蝎等分為末酒調一錢
服入門○口眼喎斜者多屬胃土風木不及金乘
乏土寡于畏也內經曰木不及曰委和委和之紀
其動緩戾拘緩緩者縮短也戾者口目喎斜也拘
者筋脉拘強也緩者筋脉弛縱也木為金乘則縮
短牽引而喎斜拘強也木弱則土寡于畏故土乘
化而緩縱也綱目○口眼喎斜之證大率在胃而
有筋脉之分經云足陽明手太陽筋急則口目為
僻皆急不能卒視此胃土之筋為邪也經云足陽
明脉挾口環唇所生病者口喎唇斜此胃土之脉
為邪也綱目○口眼喎斜宜用清陽湯秦芫升麻
湯不換金丹牽正散理氣祛風散清陽湯秦芫升麻
角升麻湯
天仙膏

清陽湯

治中風口喎斜頰顙急緊此胃中火盛必汗
不止小便數升麻黃芪當歸身各二錢葛根

一錢半甘州炙一錢蘇木甘州生各五分酒黃柏
紅花桂枝各二分右剉作二服酒三盞煎至一盞
三分溫
服東垣

秦芫升麻湯

治風中手足陽明經口眼喎斜升麻葛
根白芍藥人參甘州各一錢半秦芫白
芷防風桂枝各七分右剉作一貼入
連根蔥白三莖水煎服食後寶鑑

不換金丹

治中風口喎薄荷三兩荊芥穗白僵蚕防
風天麻甘州各一兩川烏生白附子羌活
細辛川芎蝎梢藿香各五錢右為末蜜丸彈子大
茶清嚼下一丸如喎向左以此藥塗右腮便正心

牽正散

治中風喎斜白附子白僵蚕全蝎並生用
各等分右為末每二錢熱酒調下丹心

理氣祛風散

治中風喎斜羌活獨活青皮陳皮枳殼
桔梗南星半夏烏藥天麻川芎白芷防
風荆芥白芍藥甘州各六分右剉
作一貼入薑五片水煎服醫鑑

清痰順氣湯

治風中經絡口眼喎斜南星瓜蒌仁菴芥穗貝母陳皮蒼朮官桂防風各一錢黃連黃芩並酒炒甘艸各六分右剉入薑三片水煎入木香沉香末各五分調服回春

犀角升麻湯

治中風鼻額間痛唇口頰車髮際皆痛不可開左額頰上如糊急手觸之則痛此足陽明經受風毒血凝滯而然犀角一錢半升麻一錢二分半防風羌活各一錢川芎白附子白芷黃芩各七分半甘艸五分右剉作二貼水煎服食後寶鑑

天仙膏

治卒中風口眼喎斜南星大者一箇艸烏大者一箇白芨二錢白蠟七箇右為末生鱉魚血調成膏付囁處覺正便洗去得效

手足癱瘓

凡風中府則肢節廢又云中府者多著四肢而痰火流注也血虛則痰火流注於左而為左癱氣虛則痰火流注於右而為右癱急治則愈久則

痰火鬱結而難治治法左癱宜補血兼散痰火四物湯方見血門加竹瀝薑汁桃仁紅花白芥子右痰宜補氣兼散痰火四君子湯方見氣門合二陳湯方見痰飲加竹瀝薑汁白芥子丹心○痛者為實先用二陳湯後用防風通聖散或河間換骨丹之類不痛者為虛左癱服四物湯右癱服四君子湯俱加竹瀝薑汁入門○中風皆半身不遂其有遷延歲月不死者何也日如木之根本未甚枯而一邊之枝幹先萎耳經曰根于中者命日神機神去則機息夫神機未息亦猶氣化之未絕耳故半身雖不運用然亦未至於機息而死也○癱者坦也筋脉弛縱坦然而不舉也痰者渙也血氣散漫渙然而不用也○中風大法一日偏枯半身不遂二日風痺四肢不舉即全身不遂也○半身不遂男左女右皆有此患但男左女右若得此疾風藥不攻暫關常宜身上有灸瘡可也資生○宜用加減潤燥湯祛風除濕湯加味大補

湯天台散星附散換骨丹 方見下全生

虎骨散舒筋保安散祕方疎風順氣湯

加減潤燥湯

治左半身不遂屬血虛與外血白芍藥酒炒二錢當歸一錢二分川芎白茯苓

白朮南星半夏天麻各一錢生地黄酒炒熟地黃薑汁炒陳皮鹽水洗牛膝酒洗黃芩酒炒酸棗仁炒各八分桃仁羌活防風薄荷桂各六分紅花酒洗甘艸炙各四分黃柏酒炒三分右剉作二貼水煎入竹瀝薑汁調服 同春 ○ 一名愈風潤燥湯 醫鑿

祛風除溼湯

治右半身不遂屬氣虛與溼痰白朮一錢二分白茯苓當歸酒洗陳皮赤芍藥

半夏蒼朮烏藥枳殼羌活黃連黃芩並酒炒各一錢人參川芎桔梗防風各八分白芷七分甘艸炙五分右剉分二貼入薑五片水煎服 同春

加味大補湯

治左右癱瘓此氣血太虛也黃芪蜜炒人參白朮白茯苓當歸酒洗川芎白芍

藥熟地黃各七分烏藥牛膝酒洗杜仲酒炒木瓜防風羌活獨活薏苡仁各五分附子炮沉香木香肉桂甘艸各三分右剉作一貼入薑三片棗一枚水煎服 同春

天台散

治中風癱瘓疼痛烏藥陳皮麻黃川芎枳殼白僵蚕枯梗白芷乾薑防風羌活天麻當歸

星附散

治中風只手足躄曳南星半夏並製人參附子炮白附子白茯苓川烏白僵蚕各一錢

沒藥五分右剉作一貼酒水各半煎服得汗為度 丹心

全生虎骨散

治半身不遂肌肉乾瘦一名曰偏枯忌用發汗之劑惟當潤筋去風當歸一兩半

赤芍藥續斷白朮藁本虎骨各一兩烏蛇肉五錢右為末每二錢溫酒食後調下骨中疼痛加生地黃一兩丹心

舒筋保安散

治癱瘓風筋脉拘攣走注疼痛木瓜五
兩葶藶五靈脂牛膝續斷白僵蚕烏藥
松節白芍藥天麻威靈仙黃芪當歸防風虎骨各
一兩右剉以好酒一斗浸到口過二七日取藥出
焙乾搗為細末每服二錢以藥酒半
盞調下如酒盡以米飲調下丹心

疎風順氣湯

治中風半身不遂或全體不能舉動因
元氣虛弱兼酒色之過而更挾外邪也
人參防風麻黃羌活升麻桔梗石膏黃芩荆芥穗
天麻南星薄荷葛根芍藥杏仁當歸川芎白朮細
辛皂角各五分右剉作一貼入薑五片水煎更入
竹瀝半盃服之外以艾灸治風穴得微汗而愈
秘方 治癱瘓如神熟羊骨內髓一椀煉熟蜜一斤二
子大一日服三四丸細
嚼溫酒下大效向春

四肢癱瘓搐搦為風疾

癱者筋脉急也瘓者筋脉緩也
急則引而縮緩則縱而伸或縮

或伸動而不止名曰癱瘓俗謂之搐者是也類聚
○癱瘓者令肌肉跳動也搐搦者癱瘓之甚也瘓
為縮瘓為伸河間○搐搦者手足牽引一伸一縮
也同春○四肢癱瘓者為四肢動而不止似癱瘓
而無力不得伸縮者也類聚○中風搐搦之時不
可捉住手足捉住則涎不歸手足當不隨但寬抱
之可也
得效

痰涎壅盛

風病皆痰為患故治以開關化痰為先急則
祛風緩則順氣久則活血如真氣漸復痰飲
漸消尚有風邪未退以羌活愈風湯調之入門○
初中痰壅盛者當先吐之吐後用他藥吐法見上
○凡人骨節皆有涎所以轉動滑利中風則涎上
潮咽喉中衄響以藥壓下涎再歸骨節可也不可
大吐出時則快意非久枯了手足不可不戒得效
○風痰壅盛宜用導痰湯方見痰飲加減導痰湯
滌痰湯大省風湯沉香半夏湯三庄飲青州白丸
子加味青州白丸子蝎麝白丸子龍星丹蘇青丸

導痰湯

治中風痰盛語澁眩暈方見痰飲。加香附子烏藥沉香木香名曰順氣導痰湯。加黃芩黃連名曰清熱導痰湯。加羌活白朮名曰祛風導痰湯。加遠志菖蒲茯苓連朱砂名曰寧神導痰湯。

加減導痰湯

治中風痰盛不能言語熱者宜服南星半夏以皂角白礬生薑同煎湯浸透炒乾白茯苓陳皮白朮枳殼各一錢黃芩黃連瓜蒌仁人參當歸木香各五分甘州三分右剉作一貼入薑二片水煎入竹瀝薑汁調服回春。

條痰湯

治中風痰迷心竅舌強不能言半夏南星並薑製各二錢枳實一錢半茯苓陳皮各一錢石菖蒲人參竹茹各五分甘州三分右剉作一貼入薑五片水煎服丹心。此藥治中風不語謔痰清熱利氣補虛可謂簡而當也丹心。

大省風湯

治中風痰盛喎斜不遂防風半夏生各二錢全蝎三分右剉作一貼入薑十片水煎服入丹。

沉香半夏湯

治中風痰盛去痰醒脾和氣益心附子炮一隻沉香與附子等分人參五錢半夏製二錢南星炮一錢右為粗末每二錢水一盞薑十片煎至一盞空心服資生。

三生飲

治卒中風痰塞昏仆不省脈沉無熱者可服南星生二錢川烏生白附子生各一錢木香半錢右剉作一貼入薑十五片水煎服局方一名順氣散用烏附皆炮。

青州白丸子

治中風痰涎壅塞喎斜癱瘓一切風疾及婦人血風小兒驚風等證方見痰飲。

加味青州白丸子

治中風壅塞喎斜癱瘓白附子天南星半夏白薑各二兩天麻全蝎白僵蚕各一兩川烏五錢右並生為細末薑汁麩糊和丸梧子大薑湯吞下五七十九丸不拘時丹心。

蝎麝白丸子

治中風痰涎壅塞一切風疾他藥不能
療者蘇者半夏七兩南星三兩白附子二兩
川烏天麻防風各一兩全蝎五錢麝香半錢右並
生為末薑汁糊和丸梧子大薑湯下三五丸難
瘼風溫酒下日二三服數日後當有汗便
能舒展經三五日頻呵欠是應得效

龍星丹

治風熱壅痰涎盛昏冒眩暈牛膽南星朱砂
各二錢黃芩黃連各二錢全蝎防風薄荷各
一錢片腦牛黃麝香各三字加青黛一錢右為末
蜜丸櫻桃大別以朱砂為衣每一丸噙化嚥下不
拘時○凡風病多是溼土生痰痰生熱熱生風此
方既治風熱又兼理痰凡風熱痰無不治也丹心

蘇青丸

和氣宇散風痰青州白丸子末三兩蘇合香
丸末一兩右和勻薑汁糊和丸梧子大淡薑
湯下三四
十九丸丹心

中風熱證

風者百病之始也善行而數變行者動也風
因熱生熱勝則風動宜以靜勝其躁是養血

也宜大秦芩湯方見上天麻丸若藏府兼見或表
裏兼攻宜防風通聖散入門○風熱宜用小通聖

散人參羌活散川芎石膏
散清氣宜風散透冰丹

天麻丸

治風補血行榮衛壯筋骨生乾地黃四兩羌
活三兩半當歸二兩半天麻牛膝草蘇合參
杜仲獨活各一兩半附子炮五錢右為末蜜丸
梧子大每百丸空心以溫酒或白湯吞下醫鑿

防風通聖散

治諸風熱或中風不語暴瘖語聲不出
或洗頭風破傷風諸般風搐小兒驚風
積熱或瘡疹黑陷將死或傷寒疫癘不能辨明或
風熱瘡疥或頭生白屑或面鼻生紫赤風刺癢疹
肺風瘡或大風癩疾或風火鬱甚為腹滿泄痛煩
渴喘悶或熱極生風為舌強口噤筋惕肉瞤或大
小瘡腫惡毒或熱結大小便不通并解酒傷熱毒
宜明○滑石一錢七分甘州一錢二分石膏黃芩
桔梗各七分防風川芎當歸赤芍藥大黃麻黃薄
荷連翹各四分半荆芥白朮梔子各三分半

右剉作二貼入薑五片水煎服入門。

小通聖散

治風熱頭痛咽疼頰腫羌活防風薄荷當歸
歸梔子大黃川芎桔梗各一錢防已甘州
各五分右剉作二貼入燈心
一團竹葉七片同煎服得效

人參羌活散

治中風痰盛煩熱羌活獨活前胡人參
防風天麻赤茯苓薄荷川芎黃芩枳殼
蔓荊子桔梗甘州各七分右剉作二貼
入薑三片桑白皮七寸同煎服得效

川芎石膏散

治與通聖散同能清神爽志宜通氣血
通聖散無麻黃芩確有寒水石人參縮
砂劑法服法
亦同宜明

清氣宣風散

治風熱當歸白朮白芍藥各一錢川芎
羌活半夏生地黃白僵蚕各八分蟬殼
赤茯苓各六分防風甘菊枳殼陳皮荊芥升麻黃
連梔子各五分甘州三分右剉作二貼入薑三片

藥二枚水煎服醫林

透冰丹

治風毒上攻頭面腫痒涎壅塞口乾智煩
下疰腰脚腫痛生瘡大小便秘澀及癱瘓風
川烏二兩以江水浸半月三日一換水切作片焙
乾用鹽一兩炒黃去鹽大黃梔子茯神威靈仙蔓
荊子益智白茯苓仙靈脾天麻白芷各五錢香墨
燒醋淬細研麝香各一錢一字右為末煉蜜搜和
搗千杵旋圓芡實大用薄荷
汁同溫酒化下二二三丸 局方

中風虛證

凡中風年逾五旬氣衰之際多有此疾壯年
肥盛者亦有之亦是形盛氣衰而然也宜用
萬金湯一作全

萬金湯

治風補虛及手足風累驗續斷杜仲防風白
茯苓牛膝細辛人參桂皮當歸甘州各八分
川芎獨活秦艽熟地黃各四分右剉作二
貼水煎服若手指無力不半劑可愈得效

八寶迴春湯

治一切風虛諸證去風和氣活血大有神效夫氣血和平榮衛調順則風證自去白芍藥一錢二分黃芪八分白朮六分茯神半夏各五分附子人參麻黃黃芩防已香附子杏仁川芎當歸陳皮防風肉桂乾薑熟地黃生乾地黃甘艸各四分沉香烏藥川烏各三分右剉作二貼入薑三片棗二枚水煎服右八味去風八味和氣八味活血得效

中風宜調氣

治風良劑小續命湯為上排風湯次之然順氣散佐助其間氣一流行則風亦疎散矣直指○調氣宜用蘇合香丸方見氣門八味順氣散勻

散氣

人參順氣散

治中風氣虛喎斜癱瘓語澁身疼麻黃陳皮川芎白芷白朮厚朴桔梗甘艸各一錢乾葛七分半人參乾薑各五分右剉作一貼入薑三片棗二枚薄荷七葉同煎服局方

烏藥順氣散

治一切風疾先服此藥通氣道進以風藥又治癱瘓及歷節風麻黃陳皮烏藥各一錢半川芎白芷白朮枳殼桔梗各一錢乾薑五分甘艸三分右剉作二貼入薑三片棗二枚水煎服局方

八味順氣散

凡中風當服此藥又云凡中風先宜服此以順氣方見氣門

勻氣散

治中風氣虛不遂白朮一錢烏藥一錢半人參天麻各一錢沉香青皮白芷木瓜紫蘇葉甘艸各五分右剉作一貼薑三片水煎服丹心一名順風勻氣散醫林

風非大汗則不除

風從汗散故治風多用發汗之藥也○續命排風越婢等悉能治風而汗金多用麻黃蓋以風邪不得汗則不能治也若自汗更用麻黃則反為大害此時續命煮散復榮衛御風邪不可缺也丹心○治中風無密室不可療平人居室不密尚中風邪况服藥發汗之人乎

金 ○治風發汗宜
用換骨丹去風丹

換骨丹

治中風喎斜癱瘓及暗風風癩蒼木槐實桑
白皮川芎白芷威靈仙人參防風何首烏蔓
荊子各一兩苦參五味子木香各五錢龍腦麝香
各五分右為末以麻黃煎膏和搗萬杵母一兩分
作十丸朱砂為衣每取一丸磨溫酒半盞以物合
定不透氣食後臨臥一呷嚥之衣覆取汗即差入
門 ○歌曰我有換骨丹傳之極幽秘疎開病者心
扶起衰翁臂氣壯即延年神清目不睡南山張仙
翁三百八十歲槐皮芎朮芷仙人防首蔓十件各
停勻苦味香減半龍麝即少許朱砂作衣纏麻黃
煎膏丸大小如指彈修合在深房勿論陰人見夜
臥服一粒遍身汗津滿萬病自消除神仙為侶伴
丹心 ○麻黃煎膏治卒中風不省用此膏加
入湯藥內服或用此膏丸藥服之方見雜方

去風丹

治一切諸風及癱瘓風大風破傷風紫背浮
萍不以多少以七月上半旬或望日採攤竹

節內下著水晒乾為末蜜丸彈子大每丸以豆
淋酒化下綱目 ○歌曰天生靈艸無根幹不在山
間不在岸始因飛絮逐東風泛梗青青漂水面神
仙一味起沉痾採我之時七月半選甚癱風與瘰
風些少微風都不算豆淋酒內下三三九鐵
幘頭上也出汗綱目 ○一名浮萍丸入門

續命煮散

治風虛自汗桂皮七分半防風獨活當歸
人參細辛乾葛芍藥川芎熟地黃荊芥穗
遠志半夏甘艸各五分右剉作
一貼入薑三片同煎服丹心

風病須防再發

風病雖愈必再發再發則必重常須服
藥以防之類聚 ○小續命湯風入五常
服以防瘖瘲方見上 ○愈風湯如覺風動便服此
不致倒仆易老 ○宜服定風餅子 ○最忌房室如
道釋修養
可也 資生

定風餅子

治中風面喎鼻淵痰厥頭痛眩暈嘔吐天
麻川烏南星半夏白薑川芎白茯苓甘艸

小中不須淡治

生右等分爲末薑汁和丸。芡實大作餅子朱砂爲衣。每一餅細嚼薑湯下。預防風疾。爽慧神志。本平。和湯劑。雖未。能爲。全人。亦可。留連。歲月。戒之。戒之。得效。

中風能食

中風人多能食。蓋甲巳化土。脾盛。故能多食。此脾氣愈盛。下克腎水。腎水虧。則病增劇。宜廣服藥。不欲多食。病能自愈。中風多食者。風木盛也。木盛則克脾。脾受敵。求助于食。經曰。實則夢。與虛則夢。取當寫肝木。治風安脾。脾安則食少。是其養矣。實鑿。

傷風證

傷風則涕流鼻塞聲重。人門。傷風證屬肺者。多宜辛溫。或辛涼之劑散之。戴氏云。新咳嗽鼻。塞聲重是也。宜參蘇飲。沖和散。防風沖和湯。寒門。見。有汗而惡風。此真感風證也。人門。

諸風病名

如鍼刺腰痛如錐。癩風。急倒作聲。發搖。如。緩。○ 頑風。不識痛痒。○ 癩風。頸項斑刺。○ 暗風。頭。旋眼黑。不辨東西。○ 瘡風。面生米點。○ 肝風。鼻悶。眼瞶。兩臉赤爛。○ 偏風。口眼喎斜。○ 節風。肢節續。斷。指甲脫落。○ 胛風。心多嘔逆。○ 酒風。行步不前。○ 肺風。鼻塞項疼。○ 膽風。令人不睡。○ 氣風。肉如。虫行。○ 腎風。耳內蟬鳴。陰間溼痒。寒濕腳氣。○ 癱。風。半身不遂。○ 痰風。手足拳攣。○ 胃風。不伏水土。○ 虛風。風寒溼痒。○ 腸風。脫肛瀉血。○ 腦風。頭旋。偏痛。○ 賊風。發聲不響。○ 產風。四肢疼痛。○ 骨風。膝腫如槌。○ 膝風。腿寒骨痛。○ 心風。健忘多驚。○ 盛風。言語蹇澁。○ 髓風。臂膊痠疼。○ 藏風。夜多盜汗。○ 血風。陰囊溼痒。○ 烏風。頭面腫塊。○ 皮風。赤白癩癬。○ 肌風。通身瘙痒。○ 體風。身生腫毒。○ 閉風。大便燥澀。○ 軟風。四肢不舉。○ 綠風。瞳人開大。○ 青風。吐極青盲。○ 虎風。發吼。羊叫。○ 大風。成片爛瘡。醫說。

風病治法

靈樞曰。真氣者所受於天。與穀氣。并以充身者也。邪氣者。虛風之賊傷人。也。虛邪之中人。

諸風通治

酒漸動形起毫毛而發腠理。○邪之中人或中於陰或中於陽上下左右無有恒常人方虛時及新用力若飲食汗出腠理開而中於邪中於面則下陽明中於項則下太陽中於頰則下少陽其中於膺背兩脇亦中其經。醫說○風有中藏中府之分中府者宜汗之中藏者宜下之汗亦不可過多也表裏不和則須汗下之表裏已和是宜治之在經也易老○風者百病之始也善行而數變行者動也治須少汗亦宜少下汗下得宜然後可治。易老○大率治風主氣血虛有痰氣虛者獨參湯。方見氣門加竹瀝薑汁血虛者四物湯。方見血門地黃薑汁浸炒加竹瀝薑汁肥人多溼少加附子烏頭行經丹心○凡人春服小續命湯五劑夏服腎歷湯三劑秋服黃芪丸。方見局方一兩劑冬服藥酒兩三劑此法終身常爾。則風病不生矣。得效

丹鐵彈丸
辟疾錠子

通氣驅風湯

治中風口眼喎斜半身不遂痰涎壅盛語言蹇澁行步艱難精神不爽烏藥一錢半川芎白芷桔梗陳皮白朮甘艸各一錢麻黃枳殼人參各五分右剉作一貼入薑三片棗二枚水煎服得效。一名祛風通氣散入門

祕傳順氣散

治中風喎斜癱瘓一切風疾青皮陳皮枳殼桔梗烏藥人參白朮白茯苓半夏川芎白芷細辛麻黃防風乾薑白僵蚕甘艸各六分右剉作一貼入薑五片水煎服。醫鑒

烏藥順氣散

治風氣流注經絡四肢疼痛筋脉拘攣宜多汗以手足間微汗為妙。方見上

木香保命丹

治中風一切諸證木香白附子生桂皮杜仲厚朴藿本獨活羌活海東皮白芷甘菊牛膝酒浸白花蛇酒炒全蝎炒威靈仙酒洗天麻當歸蔓荊子虎骨酒浸酥炙天南星漿水煮

防風山藥甘艸酥炙赤箭各五錢朱砂七錢半半
為衣麝香一錢半右為末蜜丸彈子大朱砂為衣
每一丸細嚼溫酒送下御藥

禦風丹

治中風口眼喎斜半身不遂神昏語澁麻黃
防風白芷各一兩半乾生薑甘艸各七錢半
川芎白芍藥桔梗細辛白僵蚕羌活南星各五錢
右末蜜丸彈子大朱砂二錢半為衣每一丸熱酒
化下入門

烏龍丹

治中風口眼喎斜手足羸曳言語蹇澁神驗
川烏生去皮臍五靈脂各二兩右為末入龍
腦麝香各半錢和勻滴水丸如彈子大每一丸先
以薑汁研化次日煖酒調服一日兩服五七丸便
覺手移足步十丸
可以自梳頭直指

一粒金丹

治一切諸風川烏炮附子炮白附子炮各
一兩白僵蚕白蒺藜炒五靈脂白礬枯過

沒藥各五錢朱砂細墨麝香各一錢半右為
末以墨汁和勻每兩作六丸金箔為衣每一丸薑
汁和酒半盞溫熱調服更飲一二
升以助藥力覆衣汗出為效得效

換骨丹

治中風喎斜癱瘓語澁痰盛一切
風疾無不治之汗出神效方見上

鐵彈丸

治中風喎斜癱瘓涎潮語澁筋攣骨痛應是
風疾無不治之五靈脂二兩川烏炮一兩乳
香沒藥各五錢麝香一錢右為末滴水
和丸彈子大每一丸薄荷酒化下局方

辟吳錠子

治一切諸風及破傷風小兒急慢驚風疾
朱砂一兩牛膽南星七錢防風川烏天麻
川芎白芷人參薄荷木香白朮茯神各五錢牛黃
龍腦乾生薑白附子各二錢麝香二錢全蝎二十
箇生用白僵蚕二十一箇生用右細末用麻黃一
斤甘艸八兩蜂蜜二兩煎作膏子入藥末和勻兩
作十錠金箔為衣每一
一錠溫酒化下活心

風痺之始

內經曰汗出而風吹之血凝於膚者則為痺
○風之為病當半身不遂或但臂不遂者此
為痺內經○邪之所湊其氣必虛留而不去其病
則實內經○虛邪中人留而不去則為痺衛氣不
行則為不仁內經○不仁者何以明之仁者柔也
不仁謂不柔和也痛痺不知寒熱不知灸刺不知
是謂不仁也類聚

三痺

內經曰黃帝曰痺之安生岐伯對曰風寒溼三氣
雜至合而為痺也其風氣勝者為行痺寒氣勝者
為痛痺溼氣勝者為著痺○行痺宜防風湯
痛痺宜茯苓湯著痺宜川芎茯苓湯三痺湯

防風湯

治行痺走注無定防風一錢半當歸赤茯苓
獨活杏仁桂心甘艸各一錢麻黃五分黃芩
秦艽葛根各三分右剉作一貼
入薑五片棗二枚水煎服宜明

茯苓湯

治痛痺四肢疼痛拘攣浮腫赤茯苓桑白皮
各一錢半防風桂皮川芎芍藥麻黃各一錢

右剉作一貼入棗二枚
水煎服汗出為效宜明

川芎茯苓湯

治著痺四肢麻木拘攣浮腫赤茯苓桑
白皮各一錢半川芎防風麻黃赤芍藥
當歸各一錢桂皮甘艸各五分右剉作一貼入棗
二枚水煎服入門○著痺即麻木不仁也綱目

三痺湯

治風痺氣血凝滯手足拘攣杜仲牛膝桂皮
細辛人參赤茯苓白芍藥防風當歸川芎黃
芪續斷甘艸各七分獨活秦艽生地黄各三分
右剉作一貼入薑五片棗二枚水煎服入門

五痺

帝曰其有五者何也岐伯曰以冬遇此者為骨痺
以春遇此者為筋痺以夏遇此者為脈痺以至陰
遇此者為肌痺以秋遇此者為皮痺內經○帝曰
內舍五藏六府何氣使然岐伯曰五藏皆有合病
久而不去者內舍於其合也故骨痺不已復感於
邪內舍於腎筋痺不已復感於邪內舍於肝脈痺
不已復感於邪內舍於心肌痺不已復感於邪內
舍於脾皮痺不已復感於邪內舍於肺所謂痺者

各以其時重感於風寒溼之氣也內經。帝曰其客於六府者何也岐伯曰此亦其飲食居處為其病本也六府亦各有俞俞即穴也而食飲應之循俞而入各舍其府也內經。○滯氣喘息痺聚在肺滯氣憂思痺聚在心滯氣遺尿痺聚在腎滯氣之竭痺聚在肝滯氣肌絕痺聚在脾諸痺不已亦益內也註曰滯氣謂氣安行者也從外不去則益深而至於身內內經。○宜用五痺湯增味五痺湯行滯流氣散。

五痺湯

治風寒溼氣客留肌體手足緩弱麻痺羌活貼入薑七片白朮薑黃防己各二錢甘艸一錢右剉作一水煎服入門

增味五痺湯

治風寒溼合為痺肌體麻痺不仁羌活一錢甘艸炙七分半右剉作一貼入薑十片水煎服直指

行溼流氣散

治風寒溼痺麻木不仁手足煩軟意苾川烏炮各一兩右為末每二錢溫酒或蔥白湯調下人門

痺脈

脈溼而緊為痺痛脈經。○脈大而溼為痺脈來急亦為痺玉機。○風寒溼氣合而為痺浮溼而緊二脈乃備脈訣

痺病形證

內經曰帝曰痺或痛或不痛或不仁或寒或熱或燥或溼其故何也岐伯曰痛者寒氣多也有寒故痛也其不痛不仁者病久入深榮衛之行溼經絡時疎故不痛皮膚不營故為不仁其寒者陽氣少陰氣多與病相益故寒也其熱者陽氣多陰氣少病氣勝陽乘陰故為熱其多汗而濡者此其逢溼甚也陽氣少陰氣盛兩氣相感故汗出而濡也。○病在筋筋攣節痛不可以行名曰筋痺病在肌膚肌膚盡痛名曰肌痺病在骨骨重不可舉骨髓痠疼寒氣至名曰骨痺內經。○帝曰痺

之為病不痛何也岐伯曰痺在骨則重在於脉則血凝而不流在於筋則屈而不伸在於肉則不仁在皮則寒故具此五者則不痛也凡痺之類逢寒則急逢熱則縱內經

痺病吉凶

內經曰帝曰痺其時有死生者或疼久者或易已者其故何也岐伯曰其入藏者死其留筋骨間者疼久其留皮膚間者易已

痺病多兼麻木

麻是氣虛木是溼痰瘀血益麻猶痺也雖不知痛疼尚覺氣微流行在手多無風溼在足多兼寒溼木則非惟不知痛疼氣亦不覺流行入門

風痺與痿相類

靈樞曰病在陽者命曰風痺病在陰者命曰痺陰陽俱病命曰風痺陽者表與上也陰者裏與下也○痺者氣閉塞不通流也或痛痺或麻痺或手足緩弱與痿相類但痿因血虛火盛肺焦而成痺因風寒溼氣侵入而成又痺為中風之一但純乎中風則陽受之痺兼風寒溼

則陰受之所以為病更重入門

痺病難治

痺之為證有筋攣不伸肌肉不仁與風絕相似故世俗與風痿通治此千古之弊也大抵固當分其所因風則陽受之痺則陰受之為病多重痛沉著患者難易得去如錢仲陽為宋之一代名醫自患周痺止能移於手足為之偏廢不能盡去可見其為難治也 玉機

痺病治法

痺之初起驟用參芪歸地則氣血滯而邪鬱不散只以行溼流氣散主之 人門 ○三氣襲人經絡久而不已則入五藏或入六府隨其藏府之俞合以施鍼灸仍服逐三氣發散等藥則病自愈矣 玉機 ○痺證因虛而感風寒溼之邪既著體不去則須製對證藥日夜飲之雖留連不愈能守病禁不令人藏庶可扶持也如錢仲陽取茯苓其大逾斗者以法啖之閱月乃盡由此雖偏廢而氣骨堅悍如無疾者壽八十一 而終惜乎其方無傳 玉機

痺證病名及用藥

風痺溼痺寒痺俱宜附子湯冷痺宜
蠲痺湯周痺宜大豆藥散骨痺筋痺
脈痺肌痺皮痺行痺痛痺著痺俱宜
湯增味五痺湯行溼流氣散防風湯
茯苓湯七方並熱痺宜升麻湯血痺宜五物湯
筋痺宜用羚羊角湯○風寒痺宜用烏藥順氣散
踈痛氣道
方見上

附子湯

治風寒溼合而為痺骨節疼痛皮肉不仁肌
肉重著四肢緩縱附子生白芍藥桂皮人參
白茯苓甘草各一錢白朮一錢半右
剉作二貼入薑七片水煎服三四因

蠲痺湯

治手冷痺一云冷痺者身寒不熱腰腳沉重
即寒痺之甚者當歸赤芍藥黃芪防風薑黃
羌活各一錢半甘草五分右剉作二
貼入薑五片棗二枚水煎服入門

大豆藥散

治周痺周痺者在於血脉之中隨脉以上
隨脉以下不能左右各當其所大豆藥散

升炒熟為末每一錢
溫酒調下日二河間

升麻湯

治熱痺肌肉熱極體上如鼠走唇口反縱皮
色變升麻二錢扶神人參防風犀角羚羊角
羌活各一錢桂皮五分右剉作二貼
薑五片同煎入竹瀝五匙調服宜明

五物湯

治血痺夫尊榮人骨弱肌膚盛疲勞汗出而
臥加被微風遂得之形如風狀但以脉自微
澀在寸口關上小緊宜鍼引陽氣令脉和緊去則
愈黃芪桂枝白芍藥各三錢右剉作二貼入生薑
七片大棗三枚水煎日
二服一方有人參仲景

羚羊角湯

治筋痺肢節束痛羚羊角桂皮附子獨活
各一錢三分半白芍藥防風川芎各一錢
右剉作二貼入薑
三片水煎服河間

歷節風病因

歷節之痛皆由汗出入水或飲酒汗出當
風所致仲景○歷節風古方謂之痛痺令

人謂之痛風也。綱目。痛風者大率因血受熱已自沸騰其後或涉冷水或立溼地或坐臥當風取涼熱血得寒汚濁凝滯所以作痛夜則痛甚行於陰也治宜辛溫之劑流散寒溼開發腠理血行氣和其病自安。丹心。古之痛痺即今之痛風也諸書又謂之白虎歷節風以其走痛於四肢骨節如虎咬之狀而名之也。正傳。痛風之證以其循歷遍身曰歷節風甚如虎咬曰白虎風痛必夜甚行於陰也。入門。白虎歷節亦是風寒濕三氣乘之或飲酒當風汗出入水亦成斯疾久而不已冷入骨節蹉跌。醫鑑。

歷節風證狀

歷節風之狀短氣自汗頭眩欲吐手指攣曲身體痠痛其腫如脫漸至摧落其痛如掣不能屈伸蓋由飲酒當風汗出入水或體虛膚空掩護不謹以致風寒溼之邪遍歷關節與血氣搏而有斯疾也其痛如掣者為寒多其腫如脫者為溼多肢節間黃汗出者為風多遍身走注微痛

疼痛晝靜夜劇狀如虎咬者謂之白虎歷節久不治治令人骨節蹉跌須當大作湯丸不可拘以尋常淺近之劑得效

歷節風治法

痛風多屬血虛血虛然後寒熱得以侵之多用芎歸佐以桃仁紅花薄桂威靈仙或汚或挾痰皆不離四物潛行黃柏牛膝生甘艸桃仁陳皮蒼朮薑汁隨證加減可謂發前人之所未發也。綱目。治痛風大法蒼朮南星川芎白芷當歸酒岑在上加羌活威靈仙桂枝桔梗在下加牛膝防己木通黃柏。丹心。薄桂治痛風無味而薄者能橫行手臂領南星蒼朮等至痛處。丹心。風寒溼入於經絡以致氣血凝滯津液稽留久則鬱堅牢阻碍榮衛難行正邪交戰故作痛也須氣味辛烈暴悍之藥開鬱行氣破血豁痰則快鬱開榮衛行而病方已也。方廣。痛風宜用大羌活湯蒼朮復煎散防風天麻散疎風活血湯四妙散麻

黃散潛行散二妙散龍虎丹活絡丹五靈丸○歷節風宜用神通飲定痛散虎骨散加減虎骨散麝香丸乳香黑虎丹乳香定痛丸捉虎丹○肢節腫痛宜用靈仙除痛飲○痰飲注痛宜用芎夏湯控涎丹方見痰飲消痰茯苓丸方見手部半夏

趁痛散

治痛風多屬血虛血汚宜調血行血桃仁紅花當歸地龍五靈脂牛膝酒浸羌活酒浸香附子童便浸甘艸生各二錢乳香沒藥各一錢右為末每二錢溫酒調下丹心

大羌活湯

治風溼相搏肢節腫痛不可屈伸羌活升麻各一錢半獨活一錢蒼朮防己威靈仙白朮當歸赤茯苓澤瀉甘艸各七分右剉作二貼水煎服正傳

蒼朮復煎散

治風溼熱痛風蒼朮四兩黃柏三錢柴胡升麻藁本澤瀉羌活白朮各五分紅花一分右剉先以水二碗煮蒼朮至一鍾去渣入餘藥再煎服入門

防風天麻散

治風溼麻痺走注疼痛或偏枯或暴瘖滑石二兩防風天麻川芎羌活白芷烏炮白附子荆芥穗當歸甘艸各五錢右為末蜜丸彈子大每取半丸或一丸熱酒化下覺藥力運行微麻為度此散鬱閉結宜風通氣之妙劑也正傳○或為末蜜酒調下一錢正傳

疎風活血湯

治四肢百節流注刺痛皆是風溼痰死血所致其痛處或腫或紅當歸川芎威靈仙白芷防己黃柏南星蒼朮羌活桂枝各一錢紅花三分右剉作一貼入薑五片水煎服醫鑑

四妙散

治痛風走注威靈仙酒蒸五錢羊角灰三錢蒼朮一錢半白芥子一錢右為末每二錢薑湯調下入門○一方無蒼朮耳子有蒼朮

麻黃散

治歷節痛風無汗麻黃二錢羌活一錢半黃芪細辛各七分半右剉作一貼水煎服得效

潛行散

治血虛陰火痛風及腰以下溼熱注痛黃柏酒浸焙乾為末每一錢薑汁和酒調服必兼

四物湯間服
之妙丹心

二妙散

治溼熱痛風筋骨疼痛黃柏酒浸焙蒼朮酒浸焙右等分爲末熟薑湯調下一錢丹心

龍虎丹

治痛風走注或麻木半身痛艸烏蒼朮白芷各一兩用童便薑蔥汁拌會熱入乳香沒藥各三錢當歸牛膝各五錢右爲末酒糊和丸彈子大每一丸溫酒化下入門

活絡丹

治一切痛風筋脉拘攣沉痛時或上衝川烏炮艸烏炮南星炮地龍焙各一兩乳香沒藥各二錢二分右爲末酒糊和丸梧子大空心溫酒下二三十丸局方

五靈丸

治風冷氣血閉身體麻痛五靈脂二兩川烏炮一兩半沒藥一兩乳香五錢右爲末水丸彈子大生薑湯和溫酒磨化一丸服之綱目

神通飲

治歷節風木通二兩剉細長流水煎湯頓服空心正傳一人因風溼得白虎歷節風遍

身疼痛足不履地者三年百方不效一日夢與木通湯愈遂服此藥服後遍身痒甚上體發紅丹如小豆大隨手沒去出汗至腰而止上體不痛矣次日又如前煎服下體又發紅丹汗出至足而無痛後治數人皆驗一名曰木通湯正傳

定痛散

治風毒攻注皮膚骨髓之間痛無常處晝靜夜劇筋脉拘攣不得屈伸蒼耳子骨碎補自然銅血竭白附子赤芍藥當歸肉桂白芷沒藥防風牛膝各七錢半虎脛骨龜板各五錢天麻續斷羌活五加皮各二錢半右爲末每一錢溫酒調下入門

虎骨散

治歷節風百節痠痛無定處久則變成風毒痛入骨髓不移其處又云骨髓痛者宜此藥虎骨酥炙二兩白花蛇肉天麻防風牛膝白蘆朮炒當歸酒浸乳香桂心各一兩全蝎炙甘艸炙各五錢麝香一錢右爲末每一錢溫酒調下豆淋酒尤好濟生一方加有自然銅白附子檳榔羌活

白芷川芎各一兩地龍及藥雄黃各五錢服法亦同治白虎歷節風走痛直指

加減虎骨散

治白虎歷節痛晝夜不止虎脛骨三兩沒藥五錢右為末每二錢溫酒調下門入

麝香丸

治白虎歷節疼痛遊走無定狀如虫行晝靜夜劇川烏大者三箇全蝎二十一箇地龍生

五錢黑豆生二錢半麝香一字右為末糯米糊和丸菜豆大空心溫酒下七丸或十九丸出汗便差得效

乳香黑虎丹

治諸風寒溼骨節渾身疼痛立效州烏五兩蒼朮三兩白芷五靈脂羌活當歸

川芎自然銅醋淬七次各二兩乳香一兩右為末酒糊和丸梧子大百州霜為衣臨睡溫酒下五丸或七丸忌食熱物十三方

乳香定痛丸

治遍身骨節痛蒼朮一兩川烏炮當歸

錢石末棗肉和丸梧子大溫酒吞下五六十九醫鑿

捉虎丹

治一男痛風走注癱瘓麻木白虎歷節及寒溼脚氣方見足部

靈仙除痛飲

治肢節腫痛痛屬火腫屬溼兼受風寒之間麻黃赤芍藥各一錢防風荆芥羌活獨活威

靈仙白芷蒼朮片苓酒炒枳實桔梗葛根川芎各五分當歸稍升麻甘州各三分右到作一貼水煎服醫鑿一名麻黃芍藥湯

半夏芩朮湯

治溼痰流注肩臂痛蒼朮一錢白朮一錢陳皮赤茯苓各五分威靈仙三分甘州二分右

到作一貼入薑三片水煎服一方有羌活丹心

拈痛散

可慰絡痛風羌活獨活細辛肉桂防風白朮良薑麻黃天麻川烏吳茱萸乳香川椒全蝎

當歸各五錢白薑二錢半右粗末每一兩或一兩半鹽一升同炒極熱絹袋盛熨痛處冷則易或炒用之醫鑿

當歸散

熨烙寒溼痛風防風當歸藥本獨活荆芥穗
頭荆葉各一兩右粗末一兩鹽四兩同炒熟
袋盛熨之冷則易醫林
宜去頑荆葉代椒葉亦佳

禁忌法

凡味酸傷筋則緩味鹹傷骨則痿令人發熱變
為痛痺麻木等證慎疾者須戒魚腥麪醬酒醋
肉屬陽大能助火亦可量
契痛風諸痺皆然入門

破傷風病因

破傷風者多由血筋無所營故邪得以
襲之所以傷寒汗下過多與夫病瘡入及
產後致斯病者槩可見矣三四
○破傷風者初因
擊破皮肉視為尋常殊不知風邪乘虛而襲變為
惡候或諸瘡久不合口風邪內襲或用湯淋洗或
著艾焚灸其火毒之氣亦與破傷風邪無異也其
證寒熱間作甚則口噤目斜身體強直如角弓反
張之狀或在朝夕正傳
○瘡病者是難治也多是
血氣內虛風痰盛而成瘡病凡傷寒雜病汗止後
八風亦成瘡病大發溼家汗亦成瘡發瘡家汗亦

瘰癧通稱破傷風

丹

瘰者筋勁強直而不柔和也河間
○瘡病者口噤角弓反張者是也

破傷風形證

夫人之筋各隨經絡結束於身血氣內虛
外為風寒溼熱之氣所中則成瘡故寒則
緊縮熱則弛張風則弦急溼則弛緩風散氣故有
汗而不惡寒寒濕血故無汗而惡寒消氣故為
痲縱溼溢血故為緩弱經所謂大筋短小筋弛
張皆溼熱不攘之所為也原其所因多由血筋
無所營故邪得以襲之所以傷寒汗下過多與夫
病瘡入及產後致斯病槩可見矣三因
○筋脉相

引而急名曰瘰癧俗謂之瘡是也
細目 ○ 諸熱皆
瘰皆屬于火熱勝風搏併于經絡風主動而不寧
風火相乘是以瘰癧生矣治宜祛風滌熱之劑折
其火熱可立愈若矣加艾火或發其表則疾不旋
踵

破傷風脈

瘰癧按之緊如弦直上下行
仲景 ○ 瘰癧皆
伏沉弦緊三因 ○ 瘰癧弦直或沉細些汗後
欲解脈發如蛇弦緊尚可伏堅傷嗟回春 ○ 瘰癧
浮而無力太陽也長而有力陽明也浮而弦小少
陽也
正傳 ○ 凡瘰癧如兩
鬚散出指外者立成入門

破傷風治法

破傷風者諸瘡久不合口因熱甚鬱結而
榮衛不得宜通佛熱因之通體故多白痴
是時瘡口閉塞氣難宜通故熱甚而生風也先辨
瘡口平無汗者中風也邊印出黃水者中水也並
欲作瘰癧急治之又痛不在瘡處者傷經絡亦以證
也初覺瘡腫起白痴身寒熱急用玉真散貼之傷

在頭面急用水調膏和雄黃付瘡上腫漸消為度
若腰脊反張四肢強直牙際通身冷不知人急用
蜈蚣細末擦牙吐出涎沫立甦亦宜按摩導引
日 ○ 瘰癧病口際背反張速灌小續命湯
若
眼牽睛扯手足戰搖伸縮者是風痰瘰癧若身冷手
足冷脈沉細名為陰瘰癧俱宜參歸養榮湯若身熱
喘嗽生痰脈滑數名為痰火瘰癧宜用瓜蒌枳實湯
不可全用風藥散氣吹之速矣
回春 ○ 破傷風如
在表則辛以散之在裏則苦以下之兼散之汗下
使通利榮血祛逐風邪防風通聖散
方見風門一
兩加荊芥穗大黃各二錢煎木調全蠍末羌活未
各一錢服之
河間 ○ 破傷風多疾宜用防風全蠍
之類至蝎散最效入門 ○ 破傷風口喎噤肢體反
張須更欲疾宜用全蠍散大蜈蚣散風盛者二烏
丸風痰者玉真散烏蛇散手足戰掉宜朱砂指甲
散血凝昏悶者烏鴉散入門 ○ 破傷風宜用香膠
散一字散退風散 ○ 大凡破傷風在頭面則日芷
為君防風頭佐之在身體及四肢則以防風為君

隨身稍用在下部則以獨活佐之丹心○諸瘡欲變在室急風散防風散發汗多成瘡宜防風當歸散止血多成瘡宜常歸地黃湯

玉真散

治破傷風口噤身強直防風天南星等分爲末每二錢薑汁和溫酒調服以滓付瘡口上麻者童便調下南星爲防風所制服之不麻可以開關定搐同春○一名定風散醫鑿

水調膏

治破傷風發熱紅腫風邪欲傳經絡而未深入者杏仁研爲泥白麪等分新汲水調成膏塗傷腫處即腫消熱退神驗醫鑿

參歸養榮湯

治風痰瘥陰瘥入參當歸川芎白芍藥熟地黃白朮白茯苓陳皮各一錢甘州五分右剉作一貼入薑三片棗二枚水煎服回春

瓜萸積實湯

治痰火瘥瓜萸仁枳實貝母桔梗片苓陳皮梔子茯苓麥門冬人參當歸蘇子

各八分甘州三分右剉作一貼入薑三片煎和竹瀝薑汁服回春

全蝎散

治破傷風口噤瘥肢體反張須臾欲死蝎梢七箇爲末熱酒調服且二凡患破傷風非此不除入門

大蜈蚣散

治破傷風搐搦反張蜈蚣二條魚鱈炒左蟠龍炒烟盡各五錢右爲末每二錢以防風煎湯調服服此不解覺轉入裏薑服左龍丸

日○一方蜈蚣一條江鱈三錢爲末每二錢防風羌活煎湯調下入門○一方口噤身反張不省人蜈蚣一條全蝎炒二箇右爲末擦牙內或吹鼻中

名曰小蜈蚣散丹心

二烏丸

治破傷風角弓反張牙關緊急生川烏白芷天麻各二錢生州烏雄黃各一錢右爲末酒糊和丸梧子大溫酒下十丸入門○一名奪命丸丹心

烏蛇散

治破傷風痰盛烏蛇六錢麻黃一兩州烏炮乾薑附子炮川芎白附子天麻各五錢蝎稍二錢半右為末每二錢熱酒調日三服入門

朱砂指甲散

治破傷風手足戰掉不已朱砂水飛天南星薑製獨活各二錢人手足爪甲燒存性六錢右為末分作三貼熱酒調下立效入門

烏鴉散

治破傷風血疑昏悶烏鴉翎燒灰酒調一錢服服後飲酒一二盞以助藥勢丹心

香膠散

治破傷風口噤身強直魚膠燒十分留性麝香少許右細末每二錢熱酒米飲任下得效

一字散

治破傷風急者金頭蜈蚣一條炙天麻州烏各五錢全蝎十箇白芷一錢右為末每一字發熱茶清調下發寒溫酒調下丹心

退風散

治破傷風不省人事防風天麻白芷麻黃赤茯苓當歸各一錢薄荷七分荆芥白僵蚕甘

急風散

治入新諸瘡傳變為破傷風麝香一字朱砂一兩生黑豆二錢半州烏三兩半生用半煨存性米醋同淬右為末酒調半錢服之神效得效

防風當歸散

治發汗過多成瘡防風當歸川芎生地黃各二錢半右剉作二貼水煎服正傳

當歸地黃湯

治亡血過多變成破傷風宜養血當歸地黃芍藥川芎藁本防風白芷各一錢細辛五分右剉作二貼水煎服正傳

破傷風之治同傷寒三法

破傷風有在表在裏半表半裏三者之不同故不離乎汗下和二三法也正傳。發汗過多因致瘧身熱足寒項強頭搖口噤背反張者太陽瘧也無汗汗止之若頭低視下手足牽引肘膝相搆者陽明瘧也若一日或左右視并一手一足搐搦者

少陽症也 海藏 ○背後痛者太陽也 身前痛者陽明也 兩傍痛者少陽也 河間 ○河間曰太陽汗陽明宜下少陽宜和若明此三法而不中病者未之有也 正傳 ○按河間只論三陽而不論三陰者蓋傳入陰經其證已危若腹滿自利口燥咽乾舌卷卵縮皆無可生之理故置而不論也 正傳 ○破傷風在表則以辛熱發散之宜防風湯羌活防風湯小續命湯 方見上 九味羌活湯 方見寒門 在半表半裏以辛涼和解之宜羌麻湯防風通聖散 方見上 在裏則以寒藥下之宜小芎黃湯大芎黃湯 左龍丸 河間 ○破傷風雖宜發汗若自汗多則宜用白朮湯白朮防風湯

防風湯

治破傷風在表未入裏急服此藥防風羌活獨活川芎各一錢二分半右剉作二貼煎水

調小蜈蚣散服之 大效 正傳

羌活防風湯

治破傷風初傳在表羌活防風川芎白芍藥藁本當歸甘州各一錢地榆細辛

各五分右剉作二貼水煎服 正傳

羌麻湯

治破傷風在半表半裏無汗羌活麻黃甘菊川芎石膏防風前胡黃芩細辛枳殼白茯苓

蔓荆子甘州各七分白芷薄荷各五分右剉作二貼入薑三片水煎服 入門

小芎黃湯

治破傷風入裏猶有表熱川芎三錢黃芩二錢甘州五分右剉作一貼水煎服 二二二

服後用大芎黃湯 正傳

大芎黃湯

治破傷風入裏二便秘小便赤自汗不止川芎一錢大黃羌活黃芩各二錢右剉作

二貼水煎服以下之微利為度 入門

左龍丸

治破傷風入裏發搐目直視二便秘澀此下之野鴿糞炒一名左蟠龍江鱧燒日僵蚕

各五錢雄黃一錢蜈蚣二條天麻二錢右為末分作二貼先將二貼燒飯為丸梧子大朱砂為衣次

將一貼加巴豆霜半錢飯九梧子大每用朱砂丸
子二十丸加巴豆丸九二服加二丸溫酒吞
下至便利為度只服朱砂丸病愈即止之若搐瘥
不已宜服羌麻湯入門丹心

白朮湯

治破傷風大汗不止筋攣搐弱白芍藥三錢
白朮葛根各二錢升麻黃芩各一錢甘州五

分右剉作一貼
水煎服丹心

白朮防風湯

治破傷風發汗過多自汗不止防風四
錢白朮黃芪各二錢右剉作一貼水煎

服入門

瘥有剛柔二證

瘥證寒熱類傷寒但脉沉遲弦細搖頭
露眼噤口手足搐搦項強背反張如發
瘥終日不醒為異因傷寒發汗過多或大發淫家
汗皆作瘥風性勁故為剛瘥而無汗淫性緩故為
柔瘥而有汗入門 ○無汗為剛瘥有汗為柔瘥海
藏 ○剛柔二瘥並可與小續命湯方見上柔瘥去

麻黃有熱減半桂枝冬月去黃芩海藏 ○剛柔不
分亦用小續命湯加生附子入門 ○剛瘥之病胃
滿口噤臥不著席脚攣急必斷齒可與大承氣湯
方見寒門下之仲景 ○剛柔二瘥通用九味羌活
湯入門

瘥與癩相似而實不同又不可作風治

瘥與癩不同癩
病身強直反張不時醒甚有昏冒而遂凶者丹心

○瘥與癩相似比癩為虛切不可作風治而純用
風藥五帶補多是氣虛有火兼痰
宜服參芪芎歸竹瀝之類丹心

破傷風凶證

瘥病有灸瘥難治仲景 ○瘥病戴眼反折
瘥瘥汗出如珠或反張離席一掌許小兒

離席二指許者皆死入門 ○破傷風宜早治若入
藏則難治有四般凶證不可治一者頭面青黑色
二者額上有汗珠不流三者眼小目瞪四者身上
汗出如油 四春 ○太陽風瘥之證始則發熱腹痛

喘息涎浮次則牙緊頭搖十指微搖漸加頭背強直轉側不仁甚者昏困失音目睛直視滑泄不禁身腰反張如此則十不救一直指○瘥病目瞪口開神氣昏冒不知人者斷死無疑也 回春

單方

凡三十七種有藥風膏五加皮酒竹瀝湯豆淋酒虎骨酒

石灰

治中風口眼喎斜石灰一合醋炒調如泥右喎塗左左喎塗右候纔正即洗去 本州

葛蒲

治三十六種風無不效取根剉浸酒或釀酒服法見雜方 本州

甘菊

治諸風及風眩取乾煮湯飲之或浸酒或釀酒服法見雜方 本州

白朮

治一切風及瘰癧或中風口禁不省水四兩酒三升煮取一升頓服之 本州

獨活

治下部風羌活 治上部風並療一切風百節風取一兩剉酒二升煎至一升黑豆五合炒熱投酒中益定良久取溫服之 本州

防風

分頭身梢治上中下部風邪○治三十六種風療風最要剉一兩酒水煎服 本州

蒼耳子

治一切風氣及風溼癩取子三兩為末水一升半煎取七合溫服之又水煎如茶服 本州

仙靈脾

治中風半身不遂取一斤剉袋盛浸二斗酒中日久取飲常令醱 本州

藁本

治一百六十種惡風又治頭風剉一兩水煎服 本州

天麻

治諸風癱瘓不遂其苗名定風州又名赤箭不為風所動剉水煎服 本州

蓖麻子

治中風口眼喎斜取子去殼搗爛右喎塗左左喎塗右○一方研塗在手心以一孟子置在手心蓖麻子上用熟水置孟中候口眼正則急去之左右如上法用 本州

名藥風膏

稀莖

治中風久百醫不差五月五日摘其葉嫩枝酒蜜酒拌蒸九蒸九曝搗為末蜜丸梧子大溫酒或米飲下五七十九丸久服則眼目

清明筋骨强健髮白更黑 本州

松葉

治中風口喎青葉一斤搗令汁出清酒一瓶一宿浸置火邊初服半升漸至一升汗出即正本

黃松節

治偏風口眼喎斜毒風筋攣骨痛浸酒服名松節酒方見雜方

五加皮

治風補虛又治風痺及痛風釀酒飲之名曰五加皮酒方見雜方○目僻眼雖有五加皮而自正即五加皮也粗末酒浸飲之其目雖自正雷公

桑枝茶

治偏風及一切風桑枝未生葉者剉炒水煎預防風氣○霜後葉煮湯淋本州

竹瀝

卒中風口噤不語煩悶竹瀝一升飲之連飲佳○破傷風欲飲灌入二三升即活本州○治風非恍惚竹瀝二升生葛汁一升薑汁五合相和服名曰竹瀝湯本州

皂莢

治卒中風口噤不省皂莢末吹鼻取嚏即甦○中風口喎皂莢為末醋調右喎塗左左喎塗右本州

乾則易○中風不省取末和白礬末或半夏末薑汁調灌口吐痰即醒本州

鱧魚

治中風口眼喎斜取魚大者以鍼刺頭上出血左斜塗右右斜塗左正則洗去鱧放水中得效

蜈蚣

治破傷風口噤身冷強直蜈蚣細末搽牙吐出涎沫立甦綱目

蟻螬

治破傷風極有神效初覺急取糞堆內蟻螬虫一二箇用手捏住待口中吐些少水就抹在破傷處身穿厚衣裳待片時瘡口覺麻兩脇微汗風出立效○如風緊急速取此虫三五箇剪去尾將肚內黃水塗瘡口再滴些少入熱酒飲之汗出立效丹心○又取此虫安瘡口上灸虫尾即效類聚

蚕沙

治風痺癱瘓不仁取沙炒熟袋盛熨之冷即易酒拌炒尤佳本州

白花蛇

治一切風喎斜癱瘓疼痛取蛇浸酒取酒飲又肉作末和酒服之○烏蛇治風尤勝本州

杏仁

治諸瘡入風水紅腫欲成破傷風杏仁泥入白麪和水塗之即消本州

梨

治中風失音不語煩熱取梨汁服之合日三風疾人喫消梨不限多少旬日頓爽本州

黑豆

治中風口噤不語嚼斜癱瘓取豆炒令極熱投酒中飲之日三名曰豆淋酒本州

蔥白

主中風面目腫煮取汁飲之本州

荊芥

治中風嚼斜瘳痺及一切風煮汁飲之本州

薄荷

治中風失音不語及熱風煩悶生取汁飲之又煮汁服之本州

野鴿糞

即左蟠龍取乾者酒漬服或炒為末酒調服一錢本州

烏雞

治中風語澁及風寒溼痺取肉作羹入蔥椒薑鹽油醬煮熟食之。糞主風痲口噤身強直取尿白同黑豆炒熱浸酒服之本州

鵲

治中風嚼斜取生鵲燒開腹及血熱貼嚼緩處即正俗方。烏雞亦可

鴈肪

主諸風拘攣偏枯血氣不通及麻痺取煉肪每日取一匙和溫酒服本州

烏鴉

治急中風嚼斜不遂取全者鹽泥固濟火煨為末和酒服之本州

熊脂

主風又治風痺不仁以酒煉過每取一大匙和酒服之肉亦可食本州

虎骨

主筋骨毒風攣急屈伸不得走注疼痛取骨末浸酒服名虎骨酒本州

鹿生肉

治中風嚼斜取肉和生椒同糝付之且則去之。骨醪酒治風補虛方見雜方本州

鍼灸法

治中風莫如續命湯之類然此可扶持初病若欲要收全功火艾為良中風皆因脈道不利血氣閉塞也灸則喚醒脈道而血氣得通故可收全功肘後。中風痰盛聲如曳鋸服藥不下宜灸臍下氣海關元一二三百壯亦可轉灰迴生五藏氣絕危證亦宜灸之綱目。凡人非時足脛上及手食

指次指忽痰疼麻痺良久方解此將中風之候急
灸三里絕骨各三壯春秋報灸常命兩脚有灸瘡
為妙資生。凡人不信此法不肯灸忽然卒死是
謂何病曰風入藏故也風病者不可不知綱目。○
凡覺手足或麻或痛良久乃已此將風中府之候
宜灸百會曲鬢肩髃曲池風市三里絕骨資生。○
凡覺心中憤亂神思不怡或手足麻痺此將風中
藏之候宜灸百會風池大顛肩井曲池間使三里
資生。○治風七穴百會耳前髮際肩井風市三里
絕骨曲池一方加有風池合谷肩髃環跳凡九穴
資生。凡中風皆灸之。○卒中風喎斜涎塞不省宜
灸聽會頰車地倉百會肩髃曲池風市三里絕骨
耳前髮際大顛風池凡十一穴本州。○中風日戴
上不能視灸第一顛骨第五顛骨上各七壯一齊
下以火立愈綱目。○口眼喎斜宜灸聽會頰車地倉
又法喎向右者灸左喎陷中喎向左者灸右喎陷
中各二十七壯立愈綱目。○半身不遂宜灸百會額
會風池肩髃曲池合谷環跳風市三里絕骨資生

○口噤宜灸人中頰車百會承漿合谷翳風灸亦
可綱目。○失音不語宜灸瘡門人中天突涌泉神
門支溝風府綱目。○半身不遂環跳為要穴綱目
○治中風偏枯大接經從陽引陰至陰與涌泉中
衝與關衝竅陰與大敦少商與商陽厲兌與隱白
少衝與少澤。○大接經從陰引陽少商與商陽厲
兌與隱白少衝與少澤至陰與涌泉中衝與關衝
竅陰與大敦凡此十二經井穴也羅謙甫治趙僧
判中藏刺十二井穴愈又治張安撫中藏灸十二
井穴愈寶鑑。○骨痺取大谿委中筋痺取大衝陽
陵泉脉痺取大陵少海肉痺取太白三里皮痺取
大淵合谷綱目。○痺病宜燔鍼劫刺以知為數以
痛為愈言鍼後以應效為度數痛處為愈穴非取
諸經定穴也靈樞。○治歷節風亦如上法但於痛
處灸二十七壯亦佳千金。○百節痠疼實無
所知以三稜鍼刺絕骨出血立愈東垣

寒

冬為傷寒

從霜降以後至春分前凡有觸冒霜露體中寒邪即病者謂之傷寒。活人。春氣溫和夏氣暑熱秋氣清涼冬氣冷冽此四時之正氣也冬時嚴寒萬類深藏君子固密則不傷於寒大觸冒之者乃名傷寒其傷於四時之氣皆能為病而惟傷寒最毒者以其有殺厲之氣也中而即病者為傷寒不即病者其寒毒藏於肌膚中至春變為溫病至夏變為暑病暑者熱重於溫也是以辛苦之人春夏多溫熱病者皆由冬時觸寒所致非時行之氣也。活人。

傷寒號為大病

傷寒世號為大病。得效。傷寒一證與雜病不同若不對證妄投藥餌罪非輕誤人多矣。司方。傷寒證候項刻傳變傷寒治法繩尺謹嚴非可以輕心視之也其間種類不一條例浩繁是固難矣至於陰極發躁熱極發厥陰證如陽陽證如陰腳氣似乎傷寒中暑似乎熱病凡此等類尤當審思而明辨之若疑似未別體認未明切不可妄投決病之劑方七雖微死生係焉。

可也謹
歟得效

兩感傷寒為成證

帝曰其兩感於寒而病者必不免於死。內經。兩感於寒其病一日則陽明與少陰俱病則頭痛口乾而煩滿二日則陽明與太陰俱病腹滿身熱不欲食謔言三日則少陽與厥陰俱病則耳聾囊縮而厥水漿不入不知人六日死。內經。兩感傷寒古無治法仲景云兩病俱作治有先後如下利不止身體疼痛急先救裏如不下利身體疼痛急當救表救裏固宜急而表亦不可緩也救裏宜四逆湯救表宜桂枝湯。二方見人。此必死之證然所稟有虛實所感有淺深實而感淺者猶或可治予嘗用大羌活湯。一二。東垣。一云表裏俱急者大羌活湯陰陽未分者陶氏中和湯探之。人門。兩感傷寒者日傳一經之候也仲景無治法惟東垣有治兩感大羌活湯云云可救其一。一。未可知是否正傳。

大羌活湯

解利兩感傷寒或傷寒見風麻傷風見寒
脈發熱惡寒無汗頭痛項強等證生地黄
知母川芎各一錢羌活防風獨活防己黃芩黃連
蒼朮白朮各七分細辛甘艸各五分右剉作一貼
水煎服未解再服三四貼東垣此方治陰陽已分陽證多者宜服入門

陶氏冲和湯

治兩感傷寒陰陽未分者以此探之羌
活蒼朮防風川芎生地黄黃芩柴胡乾
葛白芷石膏各一錢細辛甘艸各三分右剉作一
貼入薑二片棗二枚黑豆三七粒同煎服入門
一名冲和靈寶飲必用

脉法

凡治傷寒以脉為先以證為後凡治雜病以證為
先以脉為後大抵治傷寒見證未見脉未可投藥
見脉未見證雖小投藥亦無害也祇和○緊脉為
傷寒脉經○傷寒之脉陰陽俱盛而緊濇脉經○
脉盛身寒得之傷寒內經○弦緊為寒脉脉經○
傷寒脉大浮數動滑此名陽也沉濇弱弦微此名

陰也凡陰病見陽脉者生陽病見陰脉者死脉經
○熱病須得脉浮洪細小徒費用神功汗後脉靜
當便瘥喘熱脉亂命應終脉訣○寒傷太陽脉浮
而濇及傳而變名狀難悉陽明則長少陽則弦太
陰入裏遲沉必兼及入少陰其脉遂緊厥陰熱甚
脉伏厥冷○在陽當汗次利小使表解裏病其脉
實堅此其大略治法之正至於大法自有仲景○
傷寒有五脉非一端陰陽俱盛緊濇者寒陽浮而
滑陰濇而弱此名傷風勿用寒藥○陽濇而弱陰
小而急此非風寒乃溼温脉○陽脉浮滑陰脉濇
弱或遇於風變成風温○陽脉洪數陰脉實大更
遇温熱變成温毒○陽脉濡弱陰脉弦緊更遇溼
氣變為濕温○陰陽俱盛重感於寒變為温瘧同
病異名○陰陽俱盛病熱之極浮之而滑沉之散
濇脉訣○中寒緊濇陰陽俱盛法當無汗有汗傷
命同春○傷寒熱病脉宜洪大忌沉細醫鑿○中
寒之脉虛而微細醫鑿

傷寒變熱

內經曰寒傷形註曰寒則衛氣不利故傷形也。人傷於寒而傳為熱何也曰夫寒盛則生熱也寒氣外凝陽氣內鬱腠理堅緻六府閉封緻則氣不宜通封則溼氣內結中外相薄寒盛熱生故人傷於寒轉而為熱也汗之而愈則外疑內鬱之理可知矣斯乃雜病數日者也

傷寒傳經

內經曰巨陽者諸陽之屬也其脈連於風府故為諸陽主氣也人之傷於寒也則為病熱熱雖甚不灰其兩感於寒者必不免於灰帝曰願聞其狀岐伯曰傷寒一日巨陽受之故頭項痛腰脊強二日陽明受之陽明主肉其脈挾鼻絡於目故身熱目疼而鼻乾不得臥也三日少陽受之少陽主膽其脈循脇絡於耳故胃脇痛而耳聾三陽經絡皆受其病而表入於藏故可汗而巳四日太陰受之太陰脈在胃中絡於盛故腹滿而噎乾五日少陰受之少陰脈貫腎絡於肺繫舌本故口燥舌乾而渴六日厥陰受之厥陰脈循陰器而絡於肝故煩滿而囊縮三陰三陽五藏六府皆受病榮

傷寒或愈或死日期

衛不行五藏不通則死矣。其不兩感於寒者七日巨陽病衰頭痛少愈八日陽明病衰身熱少愈九日少陽病衰耳聾微聞十日太陰病衰腹減如故則思飲食十一日少陰病衰渴止不滿舌乾已而噎十二日厥陰病衰囊縱少腹微下太氣皆去病日已矣。煩滿者小腹煩滿也下云小腹微下者謂此也太氣皆去則病人精神爽慧也。仲景若過十三日不問尺寸陷者大危間謂瘳也。黃帝曰今夫熱病者皆傷寒之類也或愈或死其死皆以六七日之間其愈皆以十日以上者何也不知其解願聞其故岐伯對曰兩感於寒而病者到六七日三陰三陽五藏六府皆受病榮衛不行水漿不入六日死帝曰兩感者三日當死而六日乃死何也岐伯曰陽明者十二經脈之長也其血氣盛故不知人三日其氣乃盡故死矣其不兩感於寒者到十二日六經再傳故愈矣。內經

傷寒大法

傷寒大法有四日傳經日專經日即病日鬱
病夫即病者多為專經鬱病者多為傳經益
寒邪之中入無有定體或中於陽或中於陰或但
中於太陽未及鬱熱而即發首尾只在本經而不
傳變者近發散表邪而愈或有從太陽未及鬱熱
不從陽明少陽過而遂入於三陰之經者亦有不
曾入於陽經而直傷於三陰之經而即病者宜溫
甲通脈而愈若夫始從太陽鬱熱以次而傳至於
陽明少陽次第傳變於三陰之經
者則為傳經之熱證明矣 正傳

太陽六傳

太陽者巨陽也為三陽之首膀胱經病若渴
者自入于本名曰傳本太陽傳陽明胃土者
名曰巡經傳為發汗不盡利小便便餘邪不盡透入
于裏也。太陽傳少陽膽木者名曰越經傳為元
受病脈浮無汗宜用麻黃湯而不用故也。太陽
傳太陰脾土者名曰誤下傳為元受病脈緩有汗
宜用桂枝而反下之故也病當腹痛四肢沉重。
太陽傳少陰腎水者名曰表裏傳為表病急瀉汗

而反不汗不發所以傳裏也。太陽傳厥陰肝木
者為三陰不至於首惟厥陰與督脈上行與太陽
相接名曰巡經
得度傳 海藏

六經標本

經絡為標藏府為本如太陽經
為標膀胱為本餘倣此 入門

太陽形證用藥

太陽膀胱本病頭疼脊強小腸為標與
心為表裏故發熱冬月麻黃桂枝湯餘
月九味羌活湯。太陽以皮膚為表以膀胱為裏
熱在皮膚則頭疼項強宜麻黃桂枝湯九味羌活
湯熱在膀胱則口渴尿赤宜五苓散 入門
發熱惡寒脈浮者屬表即太陽證也 仲景

太陽傷風

太陽傷風脈陽浮而陰弱陽浮者熱自發
陰弱者汗自出香薷惡寒浙浙惡風翕翕
發熱鼻鳴乾嘔桂枝湯主之 仲景

太陽傷寒

太陽傷寒頭痛發熱身疼腰痛骨節皆痛
惡風無汗而喘麻黃湯主之。註曰頭痛

身疼腰痛以至牽連百骨節俱痛者
此太陽傷寒榮血不利故也 仲景

太陽兩傷風寒

脈浮緊發熱惡寒身痛不汗出而煩
躁手足溫為傷風候脈浮緊為傷寒脈是傷風見
寒脈也寒多熱少不煩躁手足微厥為傷寒候脈
浮緩為傷風脈是傷寒見風脈也蓋脈似
桂枝反無汗病似麻黃反煩躁是也 活人

太陽病似瘧

太陽病似瘧發熱惡寒熱多寒少脈微
弱此無陽也身不痒不可發汗宜桂
婢各半湯。太陽病八九日如瘧狀發熱惡寒熱
多寒少脈微而惡寒者此陰陽俱虛不可更發汗
更下更吐面色反有熱色者未欲解也以
不能得小汗出身必痒宜桂麻各半湯 仲景

太陽畜血

太陽病六七日表證因在脈微而沉反不
結胃其人如狂者以熱在下焦小腹當滿
小腹自利者下血乃愈抵當湯主之 仲景。太陽
證俱在而脈反沉兼發在小腹硬者宜用此藥

見下

麻黃桂枝湯

太陽病八九日發熱惡寒往來如瘧狀
桂枝芍藥各二錢麻黃一錢二分甘
一錢杏仁八分右剉作一貼入
薑五片棗二枚水煎服 入門

九味羌活湯

不問四時但有頭痛骨節痛發熱惡寒
無汗脈浮緊宜用此以代麻黃為穩當
節卷。有汗不得服麻黃無汗不得服桂枝若誤
服則其變不可勝言故立此法使不犯二陽禁忌
乃解表神方羌活防風各一錢半蒼朮川芎白芷
黃芩生地黃各一錢二分細辛甘艸各五分右剉
作一貼入生薑三片大棗二枚葱白二莖水煎服
入門。一名羌活沖和湯 醫鑿。羌活治太陽肢
節痛乃撥亂反正之主也防風治一身盡痛驅軍
將命命而行蒼朮雄壯上行之氣能除溼氣下安
太陰甘艸緩裏急和諸藥川芎治厥陰頭痛在腦
生地黃治少陰心熱在內黃芩治太陰肺熱在胃

白芷治陽明頭痛在額細辛
治少陰腎經苦頭痛正傳

桂枝湯

治太陽傷風自汗惡風寒桂枝三錢白芍藥
二錢甘草一錢右剉作一貼入生薑二片大
棗二枚水煎溫服須臾啜稀粥一盞以助藥力令
遍身榮榮微汗為佳得汗勿再服入門。陶氏桂
枝湯本方加防風川芎羌活藁本薑棗煎臨
熟入飴糖二匙熱服微汗之即解肌也入門

麻黃湯

治太陽傷寒頭痛身疼百節痛無汗惡風寒
麻黃三錢桂枝二錢甘草六分杏仁十枚右
剉作一貼入薑二片蔥二莖水煎服如上法有
汗勿再服入門。陶氏麻黃湯本方加升麻川芎
白芷防風羌活藁本入門薑蔥
豆豉煎熱服如上法入門

大青龍湯

善解風寒兩傷麻黃三錢桂枝二錢杏仁
一錢半石膏四錢甘草一錢右剉作一貼
入薑二片棗二枚水煎服如上法有汗勿服入門
○發熱惡風煩躁手足溫為傷風候脈浮緊為傷

寒脈是傷風見寒脈也寒多熱少不煩躁手足微
脈為傷寒候脈浮緩為傷風脈是傷寒見風脈也
蓋脈似桂枝反無汗病似麻黃反煩躁是也此藥
能主之入門。仲景治傷寒一則桂枝二則麻黃
三則青龍桂枝治傷風麻黃治傷寒青龍治傷風
見寒脈傷寒見風脈三者如鼎立子嘗淡究三旨
若證候與脈相對則
無不應手而愈本事

桂婢各半湯

治太陽病脈微身不疼石膏二錢桂枝
芍藥麻黃各一錢甘草三分右剉作一
貼入生薑二片大棗
二枚水煎溫服入門

桂麻各半湯

治太陽病脈微身疼麻黃一錢半桂枝
芍藥杏仁各一錢甘草七分右剉作一
貼入薑二片棗二
枚水煎服入門

陽明形證用藥

陽明者大腸為標與肺為裏故微惡
寒發熱為經病宜葛根解肌湯渴而有

汗者宜曰虎湯胃為本日疼鼻乾潮汗閉澀滿渴
在譫宜調胃承氣湯入門。陽明以肌肉之間為
表胃府為裏熱在表則目疼不眠在裏根解
肌湯熱入裏則狂譫宜調胃承氣湯入門

陽明病有二

病有太陽陽明有正陽陽明有少陽陽
明何謂也答曰太陽陽明者脾約是也
正陽陽明者胃家實是也少陽陽明者發汗利小
便胃中燥煩實大便難是也仲景。陽明之為病
胃家實也問曰緣何得陽明病答曰太陽病發汗
若下若利小便者此以津液胃中乾燥因轉屬陽
明不更衣內實大便難
者此名陽明病也仲景

陽明病陰陽結

脈浮而數能食不大便者此為實名
曰陽結也期十七日當劇脈沉而遲
不能食身體重大便鞭名曰
陰結也期十四日當劇仲景

陽明外證

陽明外證云何答曰身熱汗自出不惡寒
反惡熱也。傷寒轉屬陽明者其人濇然

微汗出也。陽明病發熱汗多者急下之宜大承氣湯仲景



陽明證潮熱

詳見

陽明證譫語

詳見

陽明病惡候

傷寒若吐若下後不循不大便五六日
至十餘日日晡所發潮熱不惡寒狂言
如見鬼狀若劇者發則不識人循衣摸床惕而不
安微喘直視脈弦者生脈濇者死仲景。微者俱
發熱譫語宜大承氣湯下之。一服利則止後服脈
弦者生脈濇者死得效。一人病傷寒大便不利
日晡發潮熱手循衣縫兩手撮空直視喘急諸醫
皆走此誠惡候仲景雖有證而無法但云脈弦者
生脈濇者死謾且救之與小承氣湯一服而大便
利諸疾漸退脈且微弦半月愈或問曰脈弦者生
何也予曰錢仲陽云手尋衣領及捻物者肝熱也
此證在玉函列於陽明部蓋陽明者胃也肝有熱

邪滯于胃經故以承氣瀉之且得弦脈則
肝平而胃不受冠此有生之理也 本事

陽明實證宜下

自汗出大便祕小使赤手足溫脈洪
數譫語者必有燥糞在胃中調胃承

氣湯下之 活人

○手足濇然汗出者此大便秘已鞭

也譫語有潮熱承氣湯下之熱不潮者勿服 明理

陽明虛證宜補

一人傷寒發狂欲走脈虛數用柴胡
湯反劇以參芪歸朮陳皮甘艸煎湯

一服狂定再服安睡而愈 海藏

○嘗治循衣摸床

者數人皆用大補氣血之劑惟一人兼膠振脈代

遂於補劑中略加桂枝亦

振止脈和而愈 綱目

陽明證汗渴

治汗後脈洪大而煩渴宜用白虎湯和
解之 ○二陽合病頭痛面赤譫語遺尿

中外俱熱自汗煩渴亦宜此藥 仲景 ○汗下後表

裏俱熱舌上乾燥而大渴脈洪大者人參白虎湯

主之 ○汗而不解脈浮者蒼朮白虎湯主之 仲景

○無汗而渴者不可服 ○陽明證汗渴竹葉石膏

湯最妙
方見下

陽明三證

陽明證上焦熱脈浮發熱中焦熱渴欲飲
水下焦熱小便不利是乃三焦俱熱宜使

熱邪從小便而出是用豬苓湯

惟汗多而渴者不可服 入門

陽明脾約證

跌陽脈浮而濇浮則胃氣強濇則小使
數浮濇相搏大便必難其脾為約麻仁

丸主之一名脾

約丸 方見大便

陽明病禁忌

陽明病不能食攻其熱必噦所以然者
胃氣虛冷故也 ○傷寒嘔多雖有陽明

證不可攻也 ○胃家實不大便若表未解及有半

表者先用桂枝柴胡和解之乃可下也 ○陽明病

自汗出小使自利者此為津液內竭大便秘雖鞭不

可攻之宜用蜜導法通之 方見大便 ○陽明病口

燥但欲漱水不欲飲此必衄不

可下宜用犀角地黃湯 仲景

葛根解肌湯

治陽明經病日疼鼻乾不得臥宜解肌
葛根柴胡黃芩芍藥羌活石膏升麻白
芷桔梗各一錢甘草五分右剉作一貼入薑三
棗二水煎服醫鑑。一名柴葛解肌湯同春

白虎湯

治陽明病汗多煩渴脈洪大石膏五錢知母
二錢甘草七分粳米半合右剉作一貼水煎
服入門。本方加人參一錢名曰人參白虎湯
。本方加蒼朮一錢名曰蒼朮白虎湯丹心

猪苓湯

治陽明證小便不利汗少脈浮而渴赤茯苓
猪苓阿膠澤瀉滑石各一錢右四味剉水煎
臨熟入阿膠煎
烱溫服仲景

少陽形證用藥

少陽之為病口苦咽乾目眩仲景。眩
而口苦舌乾者屬少陽仲景。脇滿乾
嘔往來寒熱者屬少陽仲景。胃脇痛耳聾尺寸
脈俱弦者少陽受病也仲景。口苦耳聾胃滿者
少陽傷風也仲景。少陽三焦相火為本故微熱
膽為標故耳聾脇痛寒熱嘔而口苦近從中治俱

宜小柴胡湯
湯入門

少陽證為半表半裏

少陽居太陽陽明之中半表半
裏也禁汗恐犯太陽禁下恐犯
陽明禁利小便利恐生發之氣陷入陰中故只用小
柴胡湯和之入門。少陽以胃脇之間為半表半
裏表多則小柴胡湯裏多則黃芩湯已上發熱太
陽惡寒陽明自汗少陽多嘔皆三陽證也入門

少陽病不可發汗

傷寒脈弦細頭痛發熱者屬少
陽不可發汗發汗則譫語仲景
血氣虛腠理開邪氣因入與正氣
相搏結於脇下邪正分爭往來寒

少陽病壞證

太陽病不解轉入少陽者脇下硬滿乾
嘔不能食往來寒熱尚未吐下脈沉緊
者與小柴胡湯若已吐下發汗譫語柴
胡證罷此為壞病依壞法治之仲景

少陽病脇痛

少陽證熱熱汗出頭痛心下痞硬滿引脇下痛乾嘔短氣不惡寒此表解裏未和也宜十棗湯若合下不下則命人脹滿遍身浮腫也仲景○杜壬日裏未和者益痰與燥氣壅於中焦故頭痛乾嘔短氣汗出是痰隔也非十棗湯不治綱目

小柴胡湯

治少陽病半表半裏往來寒熱能和其內熱解其外邪傷寒方之王道也柴胡三錢黃芩二錢人參半真各一錢甘草五分右剉作一貼入薑三棗二木煎服入門○一名三禁湯以其禁發汗禁利小便禁利大便故只用此藥乃和解之劑也入門○專治少陽半表裏證及汗下後不解過經不解時氣瘟疫熱入血室等證其間有五證尤為的當傷寒五六日心煩喜嘔者一也寒熱往來者二也耳聾胃痞者三也發潮熱者四也差後發熱者五也此五證尤為可服入門○一名人參湯得效

黃芩湯

治少陽半表半裏裏證多者宜用此○一名黃芩芍藥湯方見大便

十棗湯

治傷寒有懸飲伏飲脇下引痛芫花微炒甘遂大戟炒右等分為末別取大棗十枚水一盞煎至半盞去藥調藥末強入十錢弱人半錢服大便利下水以粥補之入門○河間曰芫花之辛以散飲一物之苦以泄水甘遂直達水氣所結之處乃泄水之聖藥然有毒不可輕用宜明

太陰形證用藥

太陰之為病腹滿而吐食不下自利益甚時腹自痛仲景○太陰脾為本故腹滿痛宜大柴胡湯方見下乾身自黃脾為本故腹滿痛宜大柴胡湯方見下身黃者茵陳蒿湯如自利不渴屬藏病宜理中湯丸入門○太陰證腹痛自利不渴宜理中湯理中丸四順理中湯丸亦主之仲景○腹滿時痛吐利不渴者為太陰宜四逆湯方見下○腹滿減減不足言宜大承氣湯方見下○腹滿時痛復如故此虛寒從下而上也當以溫藥和之宜理中湯仲景○飲食不節寒中陰經腹滿閉塞

唇青手足冷脈沉細宜治中湯仲景。傷寒自利不渴者屬太陰以其藏有寒故也當溫之宜用四逆湯仲景。

太陰病腹痛

傷寒陽脈濇陰脈弦法當腹中急痛先與小建中湯方見虛勞不差再與小柴胡湯仲景。太陽病醫反下之因而腹滿時痛者屬太陰桂枝湯加芍藥主之凡言加者謂倍入也大便秘實痛者桂枝湯加大黃主之仲景。傷寒邪在三陰內不得交通故為腹痛手足之經皆會於腹故也仲景。

太陰病腹脹滿

太陰證下利清穀若發汗則必脹滿仲景。發汗後腹脹滿宜用厚朴半夏湯仲景。

太陰病發黃

傷寒七八日身黃如橘子色小便不利腹微滿屬太陰宜茵陳蒿湯仲景。傷寒但頭汗出餘無汗劑頸而還小便不利身必發黃仲景。問曰白虎證亦有身熱煩渴引飲小便不利何以不發黃答曰白虎與發黃證相近但遍身汗出此為熱越白虎證也頭面汗出頸以下無汗發黃證也活人。

理中湯

治太陰腹痛自利不渴人參白朮乾薑炮各二錢甘草炙一錢右剉作一貼水煎服門。

理中丸

治同上以理中湯材作末蜜丸丸。彈子大一丸溫水化下入門。

四順理中湯

治腹痛自利即理中湯倍甘草類聚。一倍是也一名四順湯。

四順理中丸

即理中湯倍甘草一倍為末蜜和丸。彈子大一丸溫水化下類聚。

治中湯

治太陰腹痛即理中湯加陳皮青皮等分也三四。

厚朴半夏湯

治傷寒發汗後腹脹滿厚朴三錢人參半夏各一錢半甘草七分半右剉作一

貼入生薑七片
水煎服仲景

茵陳蒿湯

治太陰證發黃茵陳蒿一兩大黃五錢梔子二錢右剉木三盞先煎茵陳減半納二味煎又減半去滓溫服日二小便當利色正赤腹漸減黃從小便去也仲景

少陰形證用藥

少陰之為病脈微細但欲寐蓋氣寤則行陽寐則行陰必從足少陰始故少陰病但欲寐也仲景
○少陰心為本故舌乾口燥或下利清水謔語便閉宜小承氣湯腎為標故面寒唇青四肢厥冷指甲青黑宜薑附湯入門
○少陰病始得之反發熱脈沉者麻黃附子細辛湯主之仲景
○少陰病二三日用麻黃附子甘肅湯微發之
○少陰病二三日無證故微發汗也無證謂無吐利脈證也仲景
○少陰病二三日中和背惡寒當灸之宜附子湯仲景
○少陰病二三日心中煩不得臥黃連阿膠湯主之仲景
○少陰病身體痛手足寒骨節痛脈沉者附子湯主之仲景
○傷寒欲吐

不止心煩但欲寐五六日自利而渴者屬少陰也虛故引水自救若小便色白者以下焦有寒不能制水故色白宜四逆湯仲景
○下痢脈沉而遲其人面少赤身有微汗下利清穀必鬱冒汗出而解病入必微厥所以然者其面戴陽下虛故也仲景
○下利腹脹滿身體疼痛先溫其裏乃攻其表溫裏宜四逆湯攻表宜桂枝湯仲景
○少陰病吐利手足厥冷煩燥欲死與茱萸黃湯主之方見頭部
○少陰證日中辨日中和者當溫日乾燥者當下東垣

少陰病脈沉

少陰證口燥舌乾而渴尺寸脈俱沉沉而疾則太承氣湯沉而遲則四逆湯東垣

少陰病脈絕

少陰病下利脈絕或無脈者宜通脈四逆湯仲景
○少陰病下利清穀手足厥逆脈微欲絕身反不惡寒面赤者通脈四逆湯加蔥白主之入門
○傷寒吐下後汗出而厥四肢拘急不解脈微欲絕通脈四逆湯加豬膽汁下之仲景
○少陰病下利脈微與白通湯利不止厥逆

無脈乾嘔煩者白通加猪膽汁湯主之
服湯後脈暴出者久微續者生仲景

少陰病自利

傷寒下利心下痞硬服瀉心湯後以他藥下之利不止與理中湯利益甚理中

者理中焦此利在下焦赤石脂禹餘糧湯主之仲景
少陰病下利便膿血桃花湯主之仲景
少陰病至四五日腹滿痛小便利或下利或嘔者宜

真武湯仲景
下利欲飲水者以有熱故也宜白頭翁湯仲景
少陰病熱利不止三黃熟艾湯及

薤白湯主之仲景
少陰病自利純青水心下痛

利辨色青者當下色不青者當溫東垣
少陰病四逆或咳或悸或小便不利或腹中痛或泄利下重宜四逆

少陰四逆證有二

散邪熱入深則手足漸冷此熱厥似陰之證宜服四逆散入門
傷寒直中陰經初來無頭痛無

身熱無渴怕寒踈臥沉重欲眠唇青厥冷脈微而欲絕或脈伏宜四逆湯四逆者四肢逆冷也仲景

少陰病伏氣咽痛

伏氣之病謂非時有暴寒中入伏氣於少陰經始不覺病旬月乃發

脈更微弱先發咽痛似傷寒非喉痺之病必下痢五服半夏桂枝湯方見咽喉便差古方謂之腎傷

寒活人少陰下利咽痛胃滿心煩猪膚湯主之仲景
少陰病二三日咽痛可與甘州湯不差與

桔梗湯仲景
少陰病咽中痛宜半夏散仲景

少陰病禁忌

少陰病脈細沉數病為在裏不可發汗少陰病但脈無汗而強發之必

動其血未可知從何道來或從口鼻或從目出是名下厥上竭為難治也仲景

薑附湯

治傷寒陰證及中寒乾薑炮一兩附子炮一枚右剉取五錢水煎服丹心
附子生用名

日白通湯方見下

麻黃附子細辛湯

治少陰病但欲寐發熱脈沉麻黃細辛各二錢附子炮一錢右剉作

二貼水煎服。仲景。○傷寒無熱惡寒者，陰經病也。今少陰病始得，當無熱而反發熱，但頭不痛，為異。乃邪在表也。脈雖沉尤宜溫劑發汗之。入門。

麻黃附子甘州湯

治少陰病無吐利厥逆，宜用此。微發汗也。仲景。○即麻黃附子細辛

湯去細辛加甘州二錢也。入門。

附子湯

治少陰病脈沉手足寒骨節痛，又治口中乾背惡寒。白朮四錢，茯苓藥各三錢，附子炮

人參各二錢，右剉分二貼水煎服。入門。

黃連阿膠湯

治少陰病欲寐，一二日後煩心不得眠，臥黃連阿膠芍藥各二錢，黃芩一錢，雞

子一箇，右剉作二貼水煎，至半去滓，乃納膠再一沸，又納雞子黃攪勻服。且二。仲景。○一名黃連雞子湯。入門。

四逆湯

治傷寒陰證，要藥也。凡一陰脈遲身痛，並用。又治四肢逆冷，甘州炙六錢，乾薑炮五錢，附

子生一枚，右剉分二貼水煎服。正傳。

通脈四逆湯

治少陰病下利四肢厥冷，脈微欲絕，或無脈，附子二錢，半乾薑一錢，半甘州一

錢，右剉作二貼水煎服。仲景。○脈絕者，通脈四逆湯煎水和猪膽汁半枚，溫服。仲景。○面赤色者，通脈四逆湯入蔥白二三莖，同煎服。入門。

白通湯

治少陰病下利脈微，乾薑三錢，附子生半箇，蔥白二三莖，右剉水煎服。入門。○少陰證下利

厥逆，脈不至煩躁，白通湯煎水和童尿一合，猪膽汁半枚，服之。入門。

赤石脂禹餘糧湯

治少陰證下利不止，當治下焦，宜用此。赤石脂禹餘糧各二錢，半右

剉碎水煎服。仲景。

桃花湯

治少陰病下利便膿血赤右脂五錢半生半炒乾薑二錢糯米一合右剉水煎至半去渣別入赤石脂細末一錢調服日三入門

真武湯

治少陰病腹痛滿痛小便利或下利或嘔茯苓芍藥附子炮各三錢白朮二錢右剉作二貼入薑五片水煎服正傳○古名玄武湯後世避諱改為真武湯

白頭翁湯

治少陰病下利欲飲水以有熱故也宜用此白頭翁黃柏秦皮黃連各一錢半右剉作一貼水煎服且治挾熱下利後重而渴入門

三黃熟艾湯

治傷寒大下熱利不止黃芩黃連黃柏熟艾各一錢半右剉作一貼水煎服活人

薤白湯

治傷寒下利如爛肉汁赤帶下伏氣腹痛豉半合綿裹薤白一握梔子七枚右剉水二升半先煎梔子十沸下薤白煎至二升入豉煎至一升二合分二服活人

四逆散

治傷寒病手足自熱而至溫從溫而至厥乃傳經之邪也宜用此柴胡芍藥枳實甘草炙各等分右為末每二錢淡米飲調服日三入門

豬膚湯

治少陰客熱咽痛豬膚一兩水一盞煎至五分入白蜜一合白粉半合熬香熟和勻服之入門○豬水畜其氣入腎是以能解少陰客熱白蜜以潤燥除煩白粉益氣斷利入門

甘州湯

治少陰客熱咽痛甘州剉每服四錢水煎日三服仲景

桔梗湯

治少陰寒熱相搏咽痛甘州三錢半桔梗一錢半右剉水煎服仲景

半夏散

治少陰客寒咽痛半夏製桂枝甘州炙各二錢右剉作一貼水煎小小熱服仲景

厥陰形證用藥

厥陰心包絡為標故舌卷厥逆冷過肘膝小腹絞痛三味參黃湯四順湯主之肝為本故男則囊縮女則乳縮手足乍冷乍溫煩滿者大承氣湯主之入門○厥陰之為病消渴氣

上衝心中，寒熱飢不欲食，食則吐，或活人。○傷寒六七日，煩滿囊縮，其脈尺寸俱微，緩者足厥陰汗經受病也。其脈微浮，為欲愈，不浮為難愈。脈浮緩者，必囊不縮，外證必發熱，惡寒似瘧，為欲愈。宜桂枝麻黃各半湯。方見上若尺寸俱沉短者，必是囊縮，毒氣入腹，宜承氣湯下之。活人○太抵傷寒，病藏府傳變，陽經先受病，故次傳入陰經，以陽主生，故太陽水傳足陽明，土土傳足少陽，木為微邪也。陰主殺，故木傳足太陰，土土傳足少陰，水傳足厥陰，木不至六七日，當傳厥陰，肝木必移氣，剋於脾土，脾再受邪，則五藏六府皆因而危。殆榮衛不通耳，聾囊縮不知人，而疾速，用承氣湯下之，可保五生。一疾活人○若第六七日傳厥陰，脈得微緩微浮，為脾胃脈也，故知脾氣全不受剋，邪無所容，否極泰來，榮衛將復，水升火降，則寒熱作而大汗解矣。活人

厥陰病手足厥冷

凡厥者，陰陽氣不相順接，便為厥。厥者，手足逆冷是也。仲景○若始

得之，手足便厥冷，不溫者是。陰經受邪，可用四逆湯溫之。若手足自熱而至溫，從四逆而至厥者，傳經之邪也，可用四逆散。方見上必須識此，勿令誤也。明理○諸手足逆冷，皆屬厥陰，不可汗下。然有須汗，須下者，謂手足雖逆冷，時有溫時，手足定，掌心必煖，非正厥逆，當消息之。活人

厥陰病煩滿囊縮

厥陰證，手足厥冷，小腹痛，煩滿囊縮，脈微欲絕，宜當歸四逆湯。仲景

○傷寒六七日，尺寸脈微緩者，厥陰受病也。其證小腹痛，煩滿而囊縮，宜用承氣湯下之。仲景

三味參黃湯

治厥陰證，乾嘔吐涎沫，頭痛及少陰證，厥冷煩躁，欲死，陽明食穀欲嘔者，皆效。

吳茱萸三錢，人參二錢，生薑四片，大棗二枚，右剉水煎，溫服。入門○一名吳茱萸湯。

當歸四逆湯

治厥陰證，手足厥冷，脈微欲絕，當歸白芍藥各二錢，桂枝一錢，半細辛通艸各

艸各一錢，右剉作二貼，入棗二枚，水煎服。入門

傷寒陽證

凡仲景稱太陽病者皆表證發熱惡寒頭項痛也若脉大則與證相應近發汗若脉反微不與證相應則不可發汗但用一二各半湯和之可也綱目○少陰身雖有熱而無頭痛厥陰有頭痛而無身熱若身熱而又頭痛屬陽證無疑矣活人○陽證似陰糞黑而脉滑得效○身大熱反不欲近衣此為表寒裏熱屬陽證宜陽旦湯入門○陽證宜汗冬月麻黃湯桂枝湯虛者人參順氣散方見風門二時羌活沖和湯入門○陽證頭痛身熱脉浮數宜香蘇散芎芷香蘇散人參羌活散方見風門參蘇飲十一神湯方見瘟疫

陽旦湯

治傷寒陽證身大熱反不欲近衣桂枝芍藥各三錢黃芩二錢甘草一錢右剉作一貼入薑二三片棗二枚水煎服入門

傷寒陰證

凡傷寒四肢厥冷吐利不渴靜謐此陰證之常也須察其脉有力無力如重按無力或無

脉便是伏陰急與五積散加附子如脉有力是陽證也不可不辨入門○三陰經血分自受寒謂之陰證傷寒微者寒邪外襲漸入經絡宜麻黃附子細辛湯或辛黃三白湯甚者卒中陰經初起無頭痛身熱便惡寒厥冷或胃腹痛嘔吐下利太陰用附子理中湯少陰用附子湯厥陰用當歸四逆湯入門○傷寒有口沃白沫或唾多流涎俱是寒證宜吳茱萸湯理中湯切忌冷藥醫鑿○傷寒陰證宜陰旦湯人參養胃湯霍香正氣散不換金正氣散正陽散○陰證似陽面赤而脉微入門

五積散 治感傷風寒頭痛身疼四肢逆冷胃腹作痛嘔吐泄瀉或內傷生冷外感風冷並皆主之

蒼朮二錢麻黃陳皮各一錢厚朴桔梗枳殼當歸乾薑白芍藥白茯苓各八分白芷川芎半夏桂皮各七分甘草六分右剉作一貼入薑二三片蔥白三莖水煎服入門○一方除白芷肉桂餘材慢火炒令色變攤冷入桂芷名曰熟料五積散不炒者名曰生料五積散海藏

辛黃二白湯

治陰證傷寒在表經者人參白朮白芍藥各二錢白茯苓當歸各一錢細辛麻黃各五分右剉作一貼入薑三片棗二枚水煎服入門

陰旦湯

治陰證傷寒身大熱欲近衣此為內寒外熱也桂枝二錢黃芩乾薑各一錢半芍藥甘草各一錢右剉作一貼入棗二枚水煎服入門

人參養胃湯

治傷寒陰證及外傷風寒內傷生冷增寒壯熱頭痛身疼蒼朮一錢半陳皮厚朴半夏製各一錢二分茯苓藿香各一錢人參果甘艸炙各五分右剉作一貼入薑三片棗二枚烏梅一箇水煎服令微汗澱澱然自然解散若有餘熱以參蘇飲欸欸調之入門

藿香正氣散

治傷寒陰證頭痛身疼如不表裏證以此導引經絡不致變動藿香一錢半紫蘇葉一錢白芷大腹皮白茯苓厚朴白朮陳皮半夏製桔梗甘草艸炙各五分右剉作一貼入薑三片

片棗二枚水煎服醫鑿

不換金正氣散

治傷寒陰證頭痛身疼或寒熱往來蒼朮二錢厚朴陳皮藿香半夏甘艸各一錢右剉作一貼入薑三片棗二枚水煎服入門

正陽散

治陰證傷寒麻黃一錢半陳皮大黃生乾薑肉桂芍藥附子炮半真製甘艸炙各七分吳茱萸五分右剉作一貼入薑三片棗二枚水煎服取汗本專

傷寒表證

凡傷寒初得病二三日頭痛身體痛惡寒發熱皆表證也局方○凡仲景稱太陽病者皆表證發熱惡寒頭痛也綱目○發熱惡寒身體痛而脈浮者表證也表證者惡寒是也惡寒屬太陽陽虛汗之活人○項強凡為太陽表證凡如短羽鳥不能飛騰動先伸引其頭也項背強者動亦如之一云無翅鳥欲飛貌明理○傷寒表證通用麻黃杏仁飲寒傷榮宜麻黃湯風傷衛宜桂

枝湯三時發表宜九味羌活湯入門○表證宜香
蘇散十神湯人參敗毒散香葛湯蔥白散參蘇飲
芎芷香蘇散小青龍湯神木散消風百解散○表
證無汗宜羌活冲和湯有汗宜防風冲和湯
下表裏不解宜
雙解散河間

麻黃杏仁飲

治傷寒太陽經發熱惡寒頭痛無汗脈
浮緊麻黃桔梗前胡黃芩陳皮半夏製
各一錢杏仁細辛各八分防風七分甘州四
分右剉作二貼入薑三片水煎服入門

香蘇散

治四時傷寒頭痛身疼發熱惡寒及傷風傷
溼傷寒時氣瘟疫香附子紫蘇葉各二錢蒼
朮一錢半陳皮一錢甘州炙五分右剉作
二貼入薑三片蔥白二莖水煎服入門

芎芷香蘇散

治傷寒傷風表證頭項強百節痛陰陽
未分皆可服香附子紫蘇葉各二錢蒼
朮一錢半陳皮川芎白芷各一錢甘州五分
右剉作二貼入薑三片棗二枚水煎服得效

十神湯

治兩感風寒頭痛寒熱無汗香附子紫蘇葉
升麻赤芍藥麻黃陳皮川芎乾葛白芷甘州
各一錢右剉作二貼入薑二
片蔥白二莖水煎服入門

人參敗毒散

治傷寒時氣發熱頭痛項強肢體煩疼
及傷風咳嗽鼻塞聲重羌活獨活柴胡
前胡枳殼桔梗梗川芎赤茯苓人參甘州各一錢右
剉作二貼入薑一片薄荷少許水煎服醫鑑○本
方加天麻地骨皮等分名曰人參羌活散

○加荊芥穗防風等分名曰荊防敗毒散

香葛湯

治傷寒不問陰陽兩感頭痛寒熱蒼朮紫蘇
葉白芍藥香附子升麻乾葛陳皮各一錢川
芎白芷甘州各五分右剉作二貼入薑
二片蔥白二莖豉七粒水煎服得效

蔥白散

治四時傷寒傷風頭痛體熱煩渴麻黃二錢
蒼朮白朮川芎各一錢半石膏乾葛甘州各
七分半右剉作二貼入薑三
片蔥白二莖水煎服局方

參蘇飲

治感傷風寒頭痛發熱咳嗽及內因七情痰
盛胃滿潮熱人參紫蘇葉前胡半夏乾葛赤
茯苓各一錢陳皮桔梗枳殼甘艸各七分半
右剉作一貼入薑三片棗二枚水煎服易簡

小青龍湯

治傷寒表不解因心下有水氣乾嘔氣逆
發熱咳喘麻黃芍藥五味子半夏製各一
錢半細辛乾薑桂枝甘艸炙各一錢右剉作一
貼水煎服此湯者裏氣溫水欲散也正傳

神朮散

治傷寒傷風頭痛體疼惡寒無汗蒼朮二錢
荊芥藁本乾葛麻黃甘艸炙各一錢右剉作
一貼入薑三片蔥白
二莖水煎服集驗

消風百解散

治感傷風寒頭痛身疼鼻塞聲重荊芥
蒼朮白芷陳皮麻黃各一錢甘艸五分
右剉作一貼入薑三片
蔥白二莖水煎服入門

雙解散

治傷寒表裏不解滑右三錢甘艸一錢石膏
黃芩桔梗各七分防風川芎當歸赤芍藥太
黃麻黃薄荷連翹芒硝荊芥白朮梔子各五分左右
剉作一貼入薑一片蔥白二莖豉半合同煎服此
方乃益元散與防風通聖散合劑也益元
散通裏通聖發表兩得其宜也河間

傷寒裏證

陽明裏證也宜下之。陽明為病胃家實也胃實
則潮熱譫語承氣湯下之明理。陽明病潮熱不
大便六七日恐有燥屎欲知之法少與小承氣湯
轉屎氣者有燥屎可攻若不轉屎氣者無燥屎慎
不可攻也若攻之必脹滿不能食仲景。發熱汗
出不惡寒反惡熱者屬裏即陽明證也發汗後不
惡寒但惡熱者胃實也宜調胃承氣湯仲景。太
柴胡三承氣攻熱邪傳裏丹心。下藥大承氣最
緊小承氣次之調胃承氣又次之。大柴胡湯又次
之東垣。如不惡寒反惡熱發渴譫語腹滿而喘
手足漉然汗出急下之宜大承氣湯如邪未深恐
有燥屎小腹痛宜用小承氣微和胃氣勿令大泄

如不惡寒但實者當和胃氣調胃承氣主之
○已上三法不可差差則無者生之有者遺之假
令調胃承氣證用大承氣則愈後元氣不復以其
氣藥犯之若大承氣證用調胃承氣則愈後神病
不清以其無氣藥也小承氣湯證用大承氣則下
利不止變而成虛後人合三藥為一方號為三一
承氣殊失仲景本意綱目○裏證宜下通
用三一承氣湯六一順氣湯陶氏黃龍湯

小承氣湯

治傷寒裏證小熱小實小滿宜緩下者用
此大黃四錢厚朴枳實各一錢半右剉作

一貼水煎
服入門

大承氣湯

治傷寒裏證大熱大實大滿宜急下者用
此大黃四錢厚朴枳實各二錢右剉

作一貼水二大盞先煎枳朴煎至一盞乃下
大黃煎至七分去渣入硝再一沸溫服入門

調胃承氣湯

治傷寒裏證大便硬小便赤譫語潮熱
大黃四錢芒硝二錢甘草一錢右剉作

一貼先煎大黃甘草至半去渣入芒硝再一沸溫
服入門○二承氣須分三焦受病而用之若二焦
傷者痞滿燥實堅俱全是用大承氣大黃滌熱枳
實瀉實厚朴消痞芒硝潤燥軟堅若上焦傷者有
痞滿實而無燥堅是用小承氣厚朴消痞枳實瀉
滿大黃滌熱若中焦傷者無痞滿而有燥實堅是
用調胃承氣大黃滌熱芒硝潤
燥軟堅甘草和之而入門

大柴胡湯

治傷寒病少陽轉屬陽明身熱不惡寒反
惡熱大便堅小便赤譫語腹脹潮熱柴胡

四錢黃芩芍藥各二錢半大黃二錢枳實一錢半
半夏一錢右剉作一貼入薑三片棗二枚水煎服
正傳○小柴胡去人參甘草加芍藥大黃枳實也
以芍藥下安太陰使邪氣不納以太黃去地道不
通以枳實去心
下痞悶也海藏

三一承氣湯

治傷寒雜病入裏之深大小便不通者
甘草二錢大黃厚朴枳實芒硝各一錢

半右剉作二貼入薑三片煎至半
去渣入芫朮再一沸溫服得效

六一順氣湯

治傷寒熱邪傳裏大便結實口燥咽乾
譫語發狂潮熱自汗胃腹滿痛等證以
代大小調胃三一承氣大柴胡大陷胃等湯之神
方也大黃二錢枳實厚朴芫朮硝柴胡黃芩芍藥甘
艸各一錢右剉作二貼入薑三片水煎
至半去滓入鐵銹水三匙調服入門

陶氏黃龍湯

治熱邪傳裏胃中燥糞結實心下硬痛
純下清水大黃二錢芫朮一錢半枳實
厚朴各一錢人參當歸甘艸各五分右剉
作二貼入薑三片棗二枚水煎溫服入門

傷寒半表半裏證

身上下者有言太陽陽明之間者有言
後為太陽身前者為陽明少陽居中寒熱莫定此以
身之前後而言也小柴胡湯主少陽之半表裏也
膀胱寒水近陽明燥金水多則寒燥多則熱亦往
來寒熱五苓散分利膀胱之半表裏也理中湯治

吐瀉不定上下之半表裏也入門○發熱脈弦細
頭痛者屬半表半裏即少陽證也仲景○傷寒表
證當汗裏證當下不易之法也然而假令脈浮而
大是表證當汗又發熱煩渴小便赤卻當下此表
裏俱見雙解散主之河間○假令不大便六七日
頭痛身熱是裏證又小便清知不在裏因在表須
當發汗此兩證俱見宜桂枝湯河間○假令心下
滿口不欲食大便硬脈沉數是裏證當下又頭汗
出微惡寒手足冷卻當汗此半在表半在裏也小
柴胡湯主之河間○治表裏內外俱熱之證表者
或脈浮或頭痛或惡風或惡寒裏者或譫言妄語
或揚手擲足欲汗則裏證已急欲下則表證尚存
通宜大柴胡湯海藏○傷寒須分表裏若表裏不
分平下差誤豈為上土且如均是發熱身熱不渴
為表有熱小柴胡加桂枝主之厥而脈滑為裏有
熱白虎湯加入參主之○均是水氣乾嘔微利發
熱而咳為表有水小青龍湯主之身涼表證罷咳
而脇下痛為裏有水十棗湯主之○均是惡寒有

熱而惡寒者發於陽也麻黃桂枝小柴胡主之無
熱而惡寒者發於陰也附子湯四逆湯主之○均
是身體痛脈浮發熱頭痛身體痛者為表未解麻
黃湯主之脈沉自利身體痛者為裏不和四逆湯
主之
海藏

傷寒陰厥

厥者手足逆冷是也其手足指頭微寒者謂
之清厥疾為輕活人○陰厥者初得病便四
肢逆冷脈沉微而不數足多變臥時惡寒或引衣
自覆不飲水或下利清穀或清便自調外證多惺
惺而靜宜四逆湯通脈四逆湯當歸四逆湯活人
○陰厥者無頭痛無身熱吐利不渴靜謐而臥手
足盡冷乃厥陰所主陰陽之氣不相接連而然大
陰厥手足指頭微冷者理中湯少陰厥脛寒足冷
甚則手足至臂足至膝者四逆湯厥陰厥下身盡冷
者當歸四逆湯厥逆煩燥者不治入門○小便數
微惡寒者陽氣不足也心煩足蹇者陰氣不足也
入門○厥陰證四肢厥冷脈沉遲按之無力則為

陰當溫之宜四逆湯海藏○陰厥指爪常
冷足蹇臥不渴清便如常外證惺惺得效

傷寒陽厥

陽厥者初得病必身熱頭痛外有陽證至四
五日方發厥厥至半日卻身熱益熱氣浚方
能發厥若微厥卻發熱者熱浚故也其脈雖伏按
之滑者為裏熱或飲水或揚手攪足或煩燥不得
眠大便秘小便赤外證多昏憤承氣湯白虎湯隨
證用之活人○下證悉具而見四逆者是因失下
血氣不通四肢便厥醫不識疑為陰厥便進熱藥
禍如反掌大抵熱厥須脈沉伏而滑者手雖冷時
復指爪溫須承氣湯下之活人○厥陰證四肢逆
冷爪甲青脈沉疾按之有力則為陽當下之宜大
承氣海藏○陽厥者未厥前有頭痛有身熱陽邪
浚入陷伏於內而後發厥微厥半日間卻又發熱
熱氣下行則腹痛下利或便膿血若不使血則熱
氣上行必為喉痺入門○傷寒邪在三陽則四肢
熱半表裏及太陰則邪漸入內故四肢溫至少陰
厥陰邪入浚而陷伏於內則四肢厥冷然先由熱

後厥者傳經熱厥也輕則四逆散重則大柴胡承氣湯下之入門。○熱厥脉沉伏而滑頭上有汗手掌溫指梢亦溫。便逆下入門。

陰陽厥輕重

傷寒至四五日而厥者必發熱前熱者後必厥厥淡者熱亦淡厥微者熱亦微仲景。○傷寒厥四日熱反三日復厥五日其病為進厥多熱少陽氣退故為進也。仲景。○傷寒發熱四日厥反三日厥少熱多其病當自愈。仲景。○傷寒病厥五日熱亦五日設六日當復厥不厥者自愈厥終不過五日以熱五日故知自愈。仲景。○熱多厥少者易愈厥多熱少者難已入門。

辨陰陽厥法

陰陽二厥脉皆沉所以使入疑之然陰厥脉沉遲而弱陽厥脉沉伏而滑又陽厥指爪時一溫陰厥常冷得效。○若未辨陰陽且與理中湯試之陽厥則便熱陰厥則不熱得效。

厥有藏厥虵厥

藏無暫定而厥者為藏厥活人。○藏厥者發躁無休息時且發熱七八日

脉微膚冷而躁或吐或瀉無時暫安者乃厥陰真藏氣盡故曰藏厥仲景無治法四逆湯冷飲救之。又少陰厥而吐利發躁亦不治三味參黃湯救之入門。○靜而復煩吐中而厥者為虵厥。詳見中門活人。

厥與四逆不同

四逆者四肢不溫也厥者手足逆冷也傷寒邪在三陽則手足必熱傳到太陰手足自溫至少陰則邪熱漸淡故四肢逆而不溫及至厥陰則手足厥冷是又甚於逆其四逆散涼藥以治四肢不溫其四逆湯熱藥以治寒極而成逆厥者也四肢通冷比之手足獨冷則有間夫死者以四逆言之可治者以厥冷言則亦可見四逆與手足厥冷之有輕重淺深矣蓋四肢通冷其病為重手足獨冷其病為輕也四肢與手足卻有所分以四字加於逆字之上是通指手足臂脛以上言也以手足二字加於厥逆厥冷之上是獨指手足言也蓋以四逆為四肢通冷厥為手足獨冷也。東垣。

傷寒陰毒

傷寒三陰病深必變為陰毒其證四肢厥冷吐利不渴靜謐而臥甚則咽痛聲啞加以頭痛頭汗眼睛內痛不欲見光面唇指申青黑手指冷汗心下結硬臍腹等痛身如被杖外腎冰冷其脈附骨取之則有按之則無宜甘州湯正陽散陽氣乍復或生煩躁者返陰丹復陽丹用之不可涼藥入門○又此證面青舌黑四肢厥冷多難入門○積陰感於下則微陽消於上故其候四肢沉重逆冷腹痛咽喉不利或心下脹滿結硬燥渴虛汗不止或時狂言爪甲面色青黑六脈沉細而一息七至以來速於氣海關元各灸二三百壯以手足溫煖為效仍服還陽散退陰散本事○陰毒沉困之候六脈附骨取之方有按之即無一息入至已上或不可數至此則藥餌難為功矣灸臍下二三三百壯更以還陽散等熱藥助之如手足不和煖者不可治本事○傷寒陰毒之病面青身痛如被杖咽喉痛五日可治七日不可治甘州湯主之仲景○陰毒宜用正陽散附子散白朮散回陽救急

湯殿臍法○一人傷寒四肢逆冷臍下等痛身疼如被杖蓋陰毒也急服金液丹來復丹方此見下

等藥其脈遂沉而滑證雖陰而有陽脈可生仍灸臍下百壯乃手足溫陽回得汗而解本事

正陽散

治傷寒陰毒證附子炮一兩乾薑炮甘州炙各二錢半皂角一挺麝香一錢右為末每二錢水一盃煎至五分和渣熱服一方用白湯調下得效

甘州湯

治陰毒甘州炙升麻當歸桂枝各一錢雄黃川椒各一錢半鱉甲酥炙三錢右剉作一貼水煎服毒從汗出未汗再服仲景

破陰丹

治陰毒脈伏及陽脫無脈厥冷不省硫黃五兩硝石太陰玄精石各二兩乾薑附子桂心各五錢為末用鐵銚先鋪玄精次鋪硝石各一半中間鋪硫黃末又布硝石玄精餘末蓋上以小盃合著用炭三斤燒令得所勿令烟出急取瓦盆合著地上候冷取出入餘藥同為末糊丸梧子大艾

湯下二十九汗
出為度入門

復陽丹

治陰毒面青肢冷脉沉華澄茄木香吳茱萸
全蝎附子炮硫黃各五錢乾薑一錢右為末
酒糊和丸梧子大薑湯下二十九
丸復以熱酒投之取汗入門

還陽散

治陰毒面青肢冷心躁腹痛硫黃為末每二
錢新汲水調下良久或寒一起熱一起再服
汗出而差本事故

退陰散

治傷寒陰毒川烏乾薑等分右為粗末炒令
轉色放冷再為細末每一錢鹽一捻水少許
同煎溫服本事故

附子散

治傷寒陰毒附子炮二錢半桂心當歸白朮
各二錢半夏製乾薑炮各一錢右判作一貼
入薑三片水煎服得效

白朮散

治傷寒陰毒四肢逆冷心胃煩躁川烏炮桔
梗白朮附子炮細辛各五錢乾薑炮二錢半
右為末每二錢水煎服丹心

迴陽救急湯

治傷寒陰證及陰毒四肢厥冷脉沉細
唇青面黑參白朮白茯苓陳皮半夏
乾薑炮肉桂附子炮五味子甘艸炙各一
錢右判作一貼入薑七片水煎服醫鑒

熨臍法

治陰毒危急體冷無脉氣息欲絕或不省人
事大蔥白把切去葉扎餅二三寸許連作四
五餅先將麝香硫黃各一字填臍內放蔥餅於臍
上以熨斗火熨之如餅爛再換新餅又熨之以蔥
氣入腹為效手足溫有汗即差更服四逆湯以溫
其內如熨後手足指尚冷甲下肉黑者死活人
又法醞醋拌麩皮炒熨納布
袋中蒸熱熨之尤速效海藏

傷寒陽毒

傷寒三陽病深必變為陽毒或有失於汗下
或本陽證誤投熱藥使熱毒入深發為狂亂

面赤眼紅身發斑黃或下利黃赤六脉洪大各日
陽毒發斑宜黑奴丸白虎湯三黃石膏湯消斑青
黛飲方見皮部。陽毒為病面赤斑斑如錦紋咽
喉痛唾膿血五日可治七日不可治宜陽毒升麻
湯陽毒梔子湯葛根湯外用水漬法活人。傷寒
先觀兩目或赤或黃赤為陽毒六脉洪大有力燥
渴者輕則三黃石膏湯三黃巨
勝湯重則大承氣湯下之醫鑑

黑奴丸

治陽毒發斑煩躁大渴脉洪數麻黃大黃各

二兩黃芩釜底煤苾硝竈埃墨梁上塵小麥
奴各一兩右為末蜜丸彈子大每一丸新汲水化
服須臾振寒汗出而解未汗再服入門。陽毒及
壞傷寒醫所不治精魂已竭心下尚煖幹開其
口灌藥下咽即活若不大大渴不可與此藥活人

三黃石膏湯

治陽毒發斑身黃眼赤狂叫欲走譫語

六脉洪大石膏三錢黃芩黃連黃柏川
梔仁各一錢半麻黃一錢香豉半合右剉
作一貼入薑三片細茶一撮水煎服醫鑑

陽毒升麻湯

治傷寒陽毒面赤狂言或見鬼脉浮大

數黃芩二錢升麻射干人參各一錢犀
角一錢半甘艸七分右剉作
一貼水煎服出汗則解活人

陽毒梔子湯

治陽毒石膏二錢升麻黃芩杏仁柴胡

各一錢梔子赤芍藥知母大青各七分
甘艸五分右剉作一貼入薑
五片豉百粒同煎服活人

葛根湯

治陽毒葛根二錢黃芩大黃醋炒梔子朴硝

三黃巨勝湯

治陽毒發狂極甚姑以劫之即前三黃

石膏湯去麻黃豆豉加苾硝大黃入薑
一片棗二枚水煎臨熟入
泥漿清水二匙調服入門

水漬法

治陽毒大熱發狂不能制伏青布五六尺疊

摺新水浸之搭病人背上須臾蒸熱又浸水
又搭之日數十易為佳得效。又法菹豆煮湯一
鍋稍溫用青布數重蘸湯搭於背隔冷則再蘸湯

搭之日數十易被蓋覆得汗而愈蓋
菘豆青布性凉能退熱故也 丹心

陰盛隔陽

傷寒陰盛隔陽其證身冷反躁欲投井中唇
沉細而疾或無入門。病人身冷脉沉細而疾煩

躁而不飲水者陰盛隔陽也 活人。陰盛隔陽太
虛證也身熱而脉不鼓擊或身冷而欲坐井中欲

飲水而不入口非真熱也宜霹靂散迴陽返本陽
入門。一人患傷寒六脉沉伏不見濇按至骨則

若有力頭疼身温煩躁指末皆冷胃中滿惡心醫
皆不識許學士診之曰此陰中伏陽也仲景法中

無此證若用熱藥則為陰所隔不能導引真陽反
生客熱若用冷藥則真火愈消須用破散陰氣導

達真火之藥用破陰丹二百粒作一服冷鹽湯下
不時煩躁狂熱手足躁擾許曰俗所謂換陽也須

更稔定略睡汗出身冷矣 本事。若飲水者非此
證也 活人

陽盛拒陰

傷寒陽盛拒陰其證身體厥冷其脉滑數按
之鼓擊於指下非真寒也此大熱證也脉數

而身反盡寒宜三二
黃巨勝湯方見上

陰極似陽

陽邪不渡不能至于厥逆陰邪不甚不能至
於煩躁此水極似火火極似水謂之反化尤

極則害之之義也陰證之極火浮於外發躁擾亂
狀若陽證然身雖煩躁而引衣自覆口雖燥渴而

漱水不下脉必沉細無力此陰極似陽也宜通脉
四逆湯入門。煩極而反發厥乃陰所致言熱極

則反與陰盛發躁一同必以
四逆湯理中湯治之 入門

陽極似陰

陽證之極熱伏於內故身凉四肢厥逆狀若
陰證但身雖冷而不欲近衣神雖昏而氣色

光潤脉必沉滑而有力此陽極似陰也宜大柴胡
湯或白虎湯入門。陰陽錯雜之證宜用從治法

從治者反治也熱藥冷飲冷藥熱飲或熱藥為君
而佐以凉藥或冷藥為君而佐以熱劑是也 入門

霹靂散

治陰盛隔陽證附子一箇炮過以冷灰培半時許取出切半筒細剉入臘茶一錢水一盞煎至六分去渣入熟蜜半匙放冷服之須臾躁止得睡汗出差入門。一方附子一枚燒存性冷灰培為末入臘茶二錢分作二貼每取一貼水一盞蜜半匙同煎放冷服名曰黑龍散 寶鑑

迴陽返本湯

治陰盛隔陽附子炮乾薑炮人參陳皮麥門冬五味子甘草炙臘茶各一錢右剉作二貼以清泥漿二盞同煎去滓入蜜五匙調和放冷服之取汗為效面赤者入蔥白七莖黃連少許同煎服入門

傷寒雜證

有頭痛身痛百節痛惡寒惡熱往來寒熱看面自舌色合病併病煩躁戰慄動悸動氣等證

傷寒頭痛身疼百節痛

傷寒頭痛身疼腰痛以至牽連百骨節俱痛此太陽傷寒榮血

不利故也 仲景 ○傷寒頭痛知邪在經也不頭痛則知邪不在經也 海藏 ○太陽之證頭痛身熱脊強入門 ○三陽之病有頭痛三陰無頭痛惟厥陰與督脉會於頭巔故有頭痛入門 ○風寒入肌血脉凝滯所以身痛太陽身痛拘急而巳少陽身痛必脇硬嘔渴少陰身痛下利煩滿陰毒身痛宛如被杖入門

惡寒惡熱往來寒熱

傷寒之病邪之客於表者為寒邪與陽相爭則為寒矣邪之入於裏者為熱邪與陰相爭則為熱矣邪在半表半裏外與陽爭而為寒內與陰爭而為熱是以往來寒熱也 ○病有發熱惡寒者發於陽也無熱惡寒者發於陰也發於陽者七日愈發於陰者六日愈以陽數七陰數六故也 仲景 ○陽微惡寒陰微發熱寒多易愈熱多難愈 入門 ○發汗後病不解反惡寒者虛也芍藥甘草湯主之 仲景 ○惡風者見風至則惡矣必居密室之內幃

芍藥甘州湯

治汗後惡寒桂枝一錢甘州炙一錢半芍藥白朮附子炮各一錢右剉作一貼

帳之中則坦然自舒惡寒者則不待風而自寒雖身大熱而不欲去衣者是也活人云惡寒者不當風而自憎寒惡風者當風而憎寒綱目○病人脈微而澁者其人亡血病當惡寒後乃發熱無休止時夏月盛暑欲著複衣冬月盛寒欲裸其身所以然者陽微則惡寒陰弱則發熱也此由醫者過為汗令陽氣微又大下令陰氣弱夏月陽氣在表胃中虛冷陽氣內微不能勝冷故欲著複衣冬月陽氣在裏胃中煩熱陰氣內弱不能勝熱故欲裸其身也仲景○傷寒雖裏證悉具若有一毫惡寒者為表邪未盡須先解表乃攻裏也入門○發熱惡寒近似傷寒者有五種脈浮而緊發熱惡寒者傷寒也脈浮而澁發熱惡寒或有痛處是欲作瘧疽也脈浮而滑發熱惡寒或頭眩嘔吐是風痰也脈浮而弦發熱惡寒或欲思飲食此欲作瘧疾也本專

水煎服仲景

傷寒看回日舌色

少陰病下利脈沉而遲其人面少赤必鬱冒汗出而解所以然者其面戴陽下虛故也仲景○太陽病發汗不徹面色緣緣正赤者陽氣怫鬱在表當解之仲景○面戴陽者面雖赤而不紅活乃下虛也又曰陰盛者面赤而黯陽盛者面赤而光入門○傷寒陰證無頭痛無身熱躁悶面赤飲水不得入口乃氣弱無根虛火泛上名曰戴陽證陶氏益元湯主之入門○欲愈之病目皆黃眼胞忽陷定知亡脈訣○傷寒六七日若脈和平其人大煩目重臉內際皆黃者為欲解也脈經○傷寒目赤為陽毒目黃為黃疸入門○傷寒熱病目不明謂神水已竭不能照物病已篤矣急以六一順氣湯下之醫鑿○熱病在腎令人渴舌焦黃赤飲水不止目無精光者死不治仲景○舌上白胎者邪未入府屬半表半裏以小柴胡湯和解之舌生黃胎者熱已入胃調胃承氣湯下

東醫寶鑑卷之九十一
傷寒看回日舌色
少陰病下利脈沉而遲其人面少赤必鬱冒汗出而解所以然者其面戴陽下虛故也仲景○太陽病發汗不徹面色緣緣正赤者陽氣怫鬱在表當解之仲景○面戴陽者面雖赤而不紅活乃下虛也又曰陰盛者面赤而黯陽盛者面赤而光入門○傷寒陰證無頭痛無身熱躁悶面赤飲水不得入口乃氣弱無根虛火泛上名曰戴陽證陶氏益元湯主之入門○欲愈之病目皆黃眼胞忽陷定知亡脈訣○傷寒六七日若脈和平其人大煩目重臉內際皆黃者為欲解也脈經○傷寒目赤為陽毒目黃為黃疸入門○傷寒熱病目不明謂神水已竭不能照物病已篤矣急以六一順氣湯下之醫鑿○熱病在腎令人渴舌焦黃赤飲水不止目無精光者死不治仲景○舌上白胎者邪未入府屬半表半裏以小柴胡湯和解之舌生黃胎者熱已入胃調胃承氣湯下

之舌上黑胎或生芒刺者是腎水剋心火急以木承氣下之此熱已極也醫鑿○治法取井水浸青布片子淨洗舌上後以生薑片浸水時時刮舌黑胎自退醫鑿

陶氏益元湯

治傷寒戴陽證甘州炙二錢附子炮乾薑炮人參各一錢五味子二十粒麥門冬黃連知母各七分熟艾三分右剉作二貼入生薑五片棗二枚蔥白三莖水煎臨熟入童尿三匙去滓放冷服之入門

傷寒合病

合病者一陽先病或一陽隨病或二陽同病或三陽同病不傳者謂之合病通用羌活沖和湯入門○三陽合病頭痛面垢譫語遺尿中外俱熱自汗煩渴或腹滿身重白虎湯主之仲景

傷寒併病

併者催併逼迫之意始初一陽合病後一陽氣盛一陽氣衰併歸於一經獨重初證亦不解罷通用羌活沖和湯入門

傷寒煩躁

煩乃心中懊懣欲吐之貌躁則手掉足動起臥不安○心熱則煩腎熱則躁○煩為輕躁為重○先煩而漸躁者為陽證不煩而便發躁者為陰證入門○煩主氣躁主血肺主皮毛氣熱則煩腎主津液血熱則躁故用梔子以治肺豆豉以潤腎宜黃連雞子湯甘州乾薑湯芍藥甘州湯入門○煩躁者懊懣不得眠也懊懣者鬱悶不舒之貌煩者氣也火入於肺也燥者血也火入於腎也梔子豉湯主之仲景○煩者身熱也邪氣不為汗解蒸於經絡鬱於肌表故生熱煩也類聚○傷寒下後心煩腹滿宜梔子厚朴湯○煩躁不大便續臍痛發作有時者有燥屎也宜下之仲景○病人脈已解而日暮微煩者以病新差人強與穀脾胃氣尚弱不能消穀故令微煩熱損穀則愈仲景○煩躁者氣隨火升也丹心

煩躁吉凶

內熱日煩謂心中鬱煩也外熱日躁謂氣外熱躁也內熱為有根之火故但煩不躁

及先煩後躁者皆可治外熱為無根之火故但躁不煩及先躁後煩者皆不可治也明理。所謂煩躁者謂先煩後躁也所謂躁煩者謂先躁後煩也從煩至躁為熱未有不漸煩而躁者也先躁後煩謂怫怫然更作躁悶此為陰盛隔陽也雖大躁欲於泥水中臥但水不得入口是也此氣欲絕而爭譬如燈將滅而暴明明理

煩躁腳攣

傷寒脈浮自汗出小便數心煩微惡寒腳攣急反與桂枝湯此誤也得之便厥咽中乾煩躁吐逆作甘艸乾薑湯與之以復其陽若厥愈足溫者更作芍藥甘艸湯與之其腳遂伸仲景

懊憹怫鬱

有人傷寒八九日身熱無汗時時譫語時寒非痛終夜不得臥但心中無曉會處許學士診之曰此懊憹怫鬱二證俱作也胃中有燥屎服承氣湯下燥屎二十枚得利而解仲景云陽明病下之心懊憹微煩胃中有燥屎也又云小便不利

大便難時有微熱怫鬱有燥屎也內經曰胃不和則臥不安此夜所以不得眠也胃中燥大便堅者必譫語也非煩非躁非寒非痛所以心中懊憹也

黃連雞子湯

治少陰病煩躁不得臥即上黃連阿膠湯也入門

甘艸乾薑湯

治煩躁吐逆而厥甘艸炙四錢乾薑炮二錢右剉作二貼水煎服仲景

芍藥甘艸湯

治煩躁腳攣急方見上

梔子豉湯

傷寒汗下後虛煩不得眠劇者必反覆顛倒心中懊憹此主之仲景。按之心下軟

者虛煩也梔子七箇豉半合右剉水二盞先煎梔子至一盞納豉再煎至七分去渣溫服得吐止未吐再服仲景。若胃滿少氣加甘艸名曰梔子豉湯入艸湯。若胃滿而嘔加生薑名曰梔子豉生薑湯入門。懊憹者心鬱不舒也其證或因誤下正氣內虛陽邪內陷結於其間重則為結實也回春

梔子厚朴湯

治傷寒下後心煩腹滿臥起不安梔子一錢半厚朴三錢枳實二錢右剉作二

貼水煎服仲景

傷寒戰慄

黃帝曰人之振寒者何氣使然岐伯曰寒氣客于皮膚陰氣盛陽氣虛故為振寒寒慄靈樞○戰者身為之戰搖也慄者心戰是也正與邪爭則鼓慄而戰但虛而不至爭則心聳動而振也戰之與振振輕而戰重也明論○諸乘寒者則為厥鬱胃不仁以胃無穀氣脾澁不通口急不能言戰而慄也仲景○戰者身振而動慄者心戰而惕邪正相爭正氣勝則戰邪氣勝則慄戰則病欲愈慄則病欲甚戰屬陽故大汗以解不必藥也慄屬陰陽為陰所制故心寒足跖鼓領厥冷便尿出不知人事宜理中四逆湯入門○若原係熱邪表證慄者羌活沖和湯裏證慄者大柴胡湯入門○有戰而汗解者太陽也有不戰而汗解者陽明也有不戰不汗而解者少陽也老人虛弱發戰而汗

傷寒動悸

傷寒過多其人又手自冒心心中悸欲得按者不治入門甚則身振振欲辟地宜桂枝甘草湯仲景○發汗後臍下悸欲作奔豚宜茯苓桂枝湯仲景○脈結代心動悸宜炙甘草湯方見脈部○撮空神昏者陶氏升陽散火湯入門

桂枝甘草湯

治心悸欲得按桂枝四錢甘草炙二錢右剉作二貼水煎服仲景

茯苓桂枝湯

治臍下悸欲作奔豚茯苓六錢桂枝四錢甘草炙二錢右剉作二貼入棗五枚

以甘爛水二鍾先煮茯苓減二分納諸藥煮取一鍾去滓日三服仲景

陶氏升陽散火湯

治撮空證此因肝熱乘肺元氣虛弱不能主持以致謔語神昏又手冒心或撮空摸床人參當歸芍藥柴胡黃芩白朮麥門冬陳皮茯苓神甘草各一錢右剉作二貼入薑

三片棗二枚入熟
金同煎服入門

傷寒動氣

動氣者為築築然動跳於腹者是也 明理○
病人先有五積在腹中或臍上下左右復因

傷寒新邪與舊積相搏而痛築築然跳動名曰動
氣太繁虛者理中湯去白朮加肉桂熟者宜柴胡
桂枝湯入門 ○五積中惟臍下奔豚

衝心最急桂枝湯加桂一倍入門

動氣在右

不可發汗發汗則衄而渴心苦煩飲水即
吐宜五苓散 ○不可下下之則津液內竭

咽燥鼻乾頭眩心悸明理

動氣在左

不可發汗發汗則頭眩汗不出筋惕肉瞤
宜防風白朮牡蠣湯 ○不可下下之則腹

內拘急食不下動氣更劇
身雖有熱臥則欲踈明理

動氣在上

不可發汗發汗則氣上衝正在心端宜甘
李根湯 ○不可下下之則掌握熱煩身

浮冷熱汗自泄欲
得水自灌明理

動氣在下

不可發汗汗之則無汗心中大煩骨節苦
疼目暈惡寒食則反吐穀不能進宜大橘

皮湯 ○不可下下之則腹脹滿卒
起頭眩食則下清穀心下痞明理

柴胡桂枝湯

治傷寒動氣築痛柴胡二錢桂枝黃芩
人參芍藥各一錢半夏製八分甘艸炙

六分右剉作一貼入薑五
片棗二枚水煎服仲景

防風白朮牡蠣湯

治動氣誤發汗筋惕肉瞤防風牡
蠣粉白朮各等分右為末每二錢

酒或米飲調下
日一二三仲景

甘李根湯

治動氣誤發汗氣上衝正在心端李根皮
五錢桂枝一錢半當歸芍藥茯苓各

一錢半夏甘艸各五分右剉作
一貼入薑三片水煎服入門

大橋皮湯

治動氣誤發汗心煩骨痛目暈吐食陳皮

三錢青竹茹一錢人參甘艸各一錢右到
作一貼入薑五片棗
三枚水煎服仲景

訂正東醫寶鑑雜病篇卷之二

